

XVI-15


FA-107

DE LA LIBRERIA  
DE  
JOSE MARIA MARAÑON  
—  
MADRID

La 1.<sup>a</sup> edic.<sup>o</sup> è „Medidas del Romano, o Vitruvio, nuevamente impres, y añadidas  
 „muchas piezas y figuras necesarias a los Oficiales, que quiesen seguir las  
 „formaciones de las basas, columnas, capiteles, y otras cosas de los edificios an-  
 „tiguos,“ para Diego de Sagredo, en Madrid en casa de Luis Rodriguez  
Librer

1542. 4.<sup>o</sup> f.º —

Nel 1549 fu ristampato a Toledo }  
 Nel 1542 in francese a Parigi } 4.<sup>o</sup> —  
 Nel 1550 — id — id — }






A PARIS.

De l'Imprimerie de Regnaud Chaudiere  
& Claude son filz.

1550.

1247



ALISON D'ARCHE  
L'ÉLÉMENTAIRE  
DE LA VIE  
MATHÉMATIQUE  
MÉTAPHYSIQUE  
PHYSIQUE  
MÉTAPHYSIQUE  
PHYSIQUE  
MÉTAPHYSIQUE  
PHYSIQUE  
MÉTAPHYSIQUE  
PHYSIQUE

A PARIS  
Chez l'Imprimeur de la Cour  
à la Cour  
1750

2

A tresnoble & redoubté Seigneur  
DOM ALPHONSE DE FON-  
sera, Archeuesque de Tollette, Primas des Es-  
paignes, grand Chancelier de Castille, Diego  
de Sagredo, chapellain de nostre dame la Roy-  
ne, humble reuerence & deosculacion de ses  
mains munifiques.

**N**ous deuons beaucoup de grace, Illustre  
seigneur, a noz predecesseurs, qui ont tra-  
uailleuec moult grand soing a chercher  
les secretz de nature, & qui apres les experiences  
ont iceulx escript, affin qu'ilz passassent de main  
en main par les generations futures, pour en faire  
gouster aux successeurs les fruietz incomprehen-  
sibles. Et pource n'est pas sans cause que Marc Vi-  
truue auoit regret de ce que les Roys & grans  
seigneurs faisoient grandes remunerations a leurs  
capitaines & gens de guerre, en leur donnant plu-  
sieurs richesses, rentes & franchises: & n'auoient  
point souuenance de ceulx qui mettoient par es-  
cript leurs vaillances, & qui faisoient les registres &  
histoires de leurs triūphes a leur perpetuelle gloi-  
re, & pour mieulx gouuerner la chose publique.  
En quoy faisant, lesdictz pauures historiographes  
prenoient de grans traualx, & par continuelles spe-  
culatiōs acquerioient vieillesse messagiere de mort,  
sans estre recōpensez de nous auoir laissē les dele-  
tables oeuures, ou nous recreōs a present noz espe-  
a ij ritz,

ritz, & qui nous augmentēt & esclarcissent les sca-  
uoirs ou nous prenōs plaisir, sans lesquelz les entē-  
demēs des successeurs fussent demourez en sōmeil  
& rude estat. Car qui est celuy qui pourroit parler  
de philosophie, sans foy aider d'Aristote? Ou qui  
face iugement en astrologie sans Ptolomee? Ni en  
medecine sans Galien ou Hippocras? Et ainsi des  
autres scauoirs, sans les professeurs d'iceulx. Or est  
que ie cōsydere noble seigneur, que vostre magni-  
fique courage n'est poit ainsi taché, ains au cōtraire  
estes le plein refuge des gens, qui cherchent les per-  
fections en sciēces, a cause q̄ vostre inclinatio est to-  
talemēt adōnee a l'architecture. Parquoy pour mi-  
eulx faire iugemēs sur les ouuriers qui sōt par vous  
entretenez en l'edifice de Salamāque, & que i'espere  
qui se fera au diocese de Tollete, i'ay retiré des œu-  
ures des antiques qui ont largement escript en la  
sciēce d'architecture, ce petit dialogue. Auquel i'ay  
mis les mesures que doibuent imiter les ouuriers  
contrefaisans & suyuans le train des edifices Ro-  
maines. Par faulte duquel scauoir, on a cy deuant  
commis beaucoup d'erreurs & disproportions es  
bases de pierres, qu'on employoit ausdictz maison-  
nemens & constructions. Doncques ie supplie vo-  
stre seigneurie, receuoir ce liuret en telle volonté  
& amour, que i'ay bonne intention de vous faire  
seruice, priant sur ce a nostre seigneur, qu'il vous  
vueille maintenir par longues annees, & prospere-  
ment en son saint seruice.

DEVX

3

# Deux interloquuteurs

SONT INTRODICTZ EN  
ce present liure, fait par forme de dialogue:  
l'un est vn ouurier de la grãde eglise de Tol-  
lette appellé TAMPESO, & l'autre est vn  
paintre nommé PICARD, lequel viét visiter  
Tápeso qu'il trouue portraiãt, & luy diët ainsi.

PICARD.



Chascune fois que ie te viens visiter, tous-  
iours ie te trouue esbauchant, estudiant, ou  
portraiãt: & vrayement il me semble qu'il  
te seroit bon de prendre quelque fois recrea-  
tion. Car cõme tu scais, grande continuation  
d'estude engendre melancholie, & grãde me-  
lancholie incite & meine a maladie. A ce moyen Caton l'ancien  
philosophe amoneste qu'on mette plaisir & ioye parmy ses souz-  
cis & affaires. TAMPESO. O Picard, ne scais tu pas que la  
sentence de Pythagoras contient, que la bonne vie veult auoir  
exercice & trauail du cõmencement? a cause, que si c'est le prin-  
cipal & premier fondement, il s'en ensuyura honnesteté & ver-  
tu. Ainsi quelque chose que diés du cõmandement de Caton, ie  
ne trouue meillzure vie que de passer le temps a hõnesteté, tra-  
uaulx, & speculatiues operations. PICARD. Ie ne scay quel  
bien tu pourrois dire de trauail, sinon que ce soit bien & delecta-  
tion de soy laisser la chair, casser les os, & abreger sa vie. TAM-  
PESO. Il pert bien que tu n'as pas veu en la philosophie de Vo-  
laterran qu'elle tourbe de sages y a disans bien & louège de tra-  
uail & estude. Mesme le philosophe Hermoncus, lequel interro-

gué qui luy auoit apprins ce qu'il scauoit: Il respondit que c'estoit  
travail. Et le poete Euripides dict a haulte voix, que les fortu-  
nes se doibuent cercher avec travail, & que travail est pere de gloi-  
re. Car ceulx qui penent, sont aidez de Dieu. Et oultre ie t'auise  
que travail ne dommage point ou afflige les homes, quand il est  
prins de volunté. Pource ont dict Menander & Virgile, qu'avec  
labeurs se parfont toutes choses. Xenophō afferme, que c'est celuy  
qui donne apperit de māger, boire & dormir, mais qu'il soit hon-  
neste. Sainct Hierosme aussi dict, que salaire est achepté par la-  
beur. Dauid en chantant de sa harpe n'en dict pas moins quād il  
profere, Seigneur tu consyderes les labeurs & les douleurs. Ces cho-  
ses nous sont bien confermees par les sages qui iadis vesquirent.  
Desquelz y en auoit vn, qui iamais n'auoit cessé d'ouyr la disci-  
pline de Socrates. Et apres qu'il eust bon scauoir en philosophie,  
il s'adonna par maniere de recreation a iouer de la violle. Et ain-  
si qu'il s'exercoit & qu'il entendit les risees d'aucus mocqueurs,  
desprisans sa tardiuue entreprinse, il leur respondit, qu'il iouoit  
mieulx tard que iamais n'auoit fait. Comme s'il declarast que  
tard peult lon bien apprendre, & en grand temps acquerir par  
labeur perfection. Et les antiques voulans exerciter chascun, l'a-  
uoient figuré par vne teste de beuf, qui est beste forte a labeur  
qu'ilz figuroient frequemment es besongnes. P I C A R D. Ie  
cognoy que cela t'a meü a marquer les vtilz d'vne teste de  
beuf. Et aussi i'apercoy, que ton affection t'a tant fait auentu-  
rer au travail, que tu as acquis les vertus & bien que travail dö-  
ne, & que mes remonstrances ne te peuuent faire deporter de l'e-  
stude. Or me dis quelle portraicture tu fais icy, elle me seble estre  
ordonnee a la mode Romaine. T A M P E. C'est vne monstre  
de sepulture pour nostre archeuesque. P I C A R D. Il en vaul-  
droit mieulx faire vne table d'autel. Car ce seroit meilleur em-  
ploy.

4

ploy. Ne scais tu pas combien sont prohibees les pōpes des sepul-  
tures, & principalemēt aux ecclesiastiques? qui scauet que les prin-  
cipaulx capitaines de l'eglise, assauoir saint Pierre, saint Paul,  
saint Gregoire, saint Hierosme, & autres saints ont esté en-  
terrez sans aornemēt de sepulture, cōme affermēt ceulx qui les ont  
veuz enterrez. Certes la besongne seroit plus louable de distribuer  
aux pauures les deniers que coustent si curieuses choses: & si tu en  
veulx dire verité, tu t'accorderas avec moy. **TAMPESO.** Nous ne  
pouons nier que iadis lon n'eust vsage de sepultures, puis que de  
present lon trouue les memoires de plusieurs prophetes, prebstres,  
& patriarches, cōme il se veoit de la sepulture de Dauid sūptueu-  
sement ouuree. Et oultre y furent faitz certains secretz, esquelz  
lon cacha trois mille liures d'or, qui furent enuirō trois cens ans  
apres trouuez par Hircanus Pōtife des Hebreux, aīsi qu'escript  
Iosephus. Aussi n'estoiēt point prohibees les sepultures par la loy,  
selon q̄ lon peult entendre en ce que Ioseph d'Arimathie en auoit  
vn en son iardin, ou fut posé le precieux corps de Iesuchrist. **PI-**  
**CARD.** Le rebours se trouueroit bien par les histoires. Car Cy-  
rus roy de Perse defendit a ses subiectz d'ensepulturer son corps  
en or, en argent, ou autre metal, non pas en pierres: mais sans  
moyen il fut mis en terre, estimant qu'il n'est chose meilleure que  
la terre, qui porte tāt de bonnes choses, & produict de si nobles  
creatures. Pareillement Marcus Emilius ordonna a ses enfans  
qu'on mist son corps aux chāps sās cercueil ne sonnure. Voire pour  
oster toutes pompes, enioignit qu'on ne despendit point plus de dix  
deniers a ses obseques. A ces raisons Cicero fist loy, que nul ne fist  
sepulture qui ne se peust acheuer en cinq iours. **TAMPESO.** Les  
Egyptiēs sont bien contraires a ceulx que tu dis. Car il se trouue  
que ce qu'ilz gaignoiēt en la briefueté de leur vie, ilz l'espargnoiēt  
pour dresser leurs sepultures, ou estoiet gardez leurs corps, qui fai

soient a tousiours renommee d'iceulx. D'illec vint que les Romains  
reputoient meilleure la maniere des Mausoliés, qui pour memoire  
perpetuelle de leurs capitaines, & gens de renom, leur faisoient plus-  
tost sepultures, que statues de metal, disans, que par necessité qui  
avec le temps pouuoit suruenir, se pourroient prendre lesdictes sta-  
tues. Et ont retenu tel nom, depuis que Artemisia royne de Ca-  
rie fist vn moult sumptueux sepulcre a son mary Mausolus. As-  
sauer que on le tenoit pour vne des sept merueilles du monde. Döt  
depuis les magnifiques sepultures se sont nommees Mausolees. Tou-  
tesfois ie cognoy que chascün n'est pas en cecy de mesme opiniõ,  
car aucüs les appreuuet, & les autres les defendent. PICARD.  
Laquelle opinion trouue tu meilleure? TAMPESO. Ie ne trou-  
ue pas grande raison en ceulx qui les blasment, veu qu'elles ser-  
uēt a decorer edifices & eglises, & si aduisent ceulx de mourir qui  
trop s'affectēt au mode, en leur administrāt aduis de leur amēder  
Cōme il se lit d'Alexādre le grād, qui voiant le sepulchre d'Achil-  
les, se print a plorer & gemir: ce que fist pareillemēt Cesar, quād  
il veit celuy d'Alexādre. Mais que diray ie de toymesme? ne t'ay  
ie pas trouuē maintesfois es monasteres, contēplant les tōbes avec  
sospirs, & en lisant les lettres des sepultures demourer pensif &  
triste? Et sur ce t'en aller lire la vie des peres, & des trespassēz,  
döt auois cogneu le giste. PICARD. Tu me rememoires vne  
chose que ie te cōfesse, & certes il n'y a au mode si desfriglē, que la  
presence des signes de la mort ne rende chāgē & remis. Touts-  
fois telle affliction ne dure gueres, sinõ tāt que la presence de telle  
chose est cōtinuēe: & icelle subtraicte, nous retournōs acop a noz  
premieres coustumes. TAMPESO. Il est vray, en cela sommes  
bien cōparables a vne simple brebis qui paist, laquelle voiant ve-  
nir le loup, s'enfuit au troupeau des autres espouentees, & leuant  
la teste le regardent iusque a ce qu'il se soit destournē. mais apres  
qu'elles

qu'elles ne le voient plus, il ne leur souuient plus de leur ennemy, qui possible les espie, & pour luy ne laissent point a repaistre cōme deuāt, sans memoire de leur paour qu'elles ont naguere eue. Mais reuenōs a la respōse que ie requiers estre faicte par toy sur le faict des sepultures, a cause que la speculation de la cōparaison est pour les prescheurs. PICARD. Tu m'as rēdu vaincu par tes allegatiōs, & suis biē d'accord qu'on en peult faire, sauf toutesfois la subvention qu'on doibt aux pauures de Dieu. Car en faisant faire icelle ou quelque edifice, lon faict gaigner beaucoup de pauures ouuriers & gēs de peine, qui est mieulx employé que de tenir ses deniers en vne bourse. Mais il me semble qu'en la besongne ou presentemēt tu specules, ha plus de mesure Romaine que d'autre: pour ce pourra il estre original & patron a ceulx qui veulent edifier a mode antique, dōt sont maintenāt plusieurs qui doubtēt, lesquelz ne scauēt quelles mesures ilz doibuēt donner aux pieces ou ilz besongnēt. A ceste cause tu pourrois bien satisfaire a leur necessitē, voire a moymesmes qui suis l'hōme du monde aiant plus d'affection de scauoir & appredre quelque chose, mesmes touchant icel les mesures. Ainsi puis que Dieu m'a icy amenē, ie te prie me faire ce seruice de me cōmuniquer ton scauoir sur lesdictes mesures, & me dōner a entendre par quel nōbre & raison chascune d'elles se faict: car ie ne scay personne qui mieulx puisse satisfaire que toy, pource que tu as beaucoup veu & leu. TAMPESO. Ie ne te puis nyer mon amy Picard cela dōt tu me prie, a cause de l'amitiē qu'hauons de pieca, & voudroye bien auoir suffisance d'acōplir ce que tu desires. Parquoy ce que i'ay de scauoir sur ce negoce, ie te diray volūtairēment. Ce portraict icy que tu veois, est faict de plusieurs parties, don les noms sont diuers, assauoir plat-tes formes, colōnes, bases, chapiteaux, arquitraues, frizes, cornixes, frontispices, & autres diuerses pieces que tu peulx icy regarder,

desquelles



## TAMPESO.



Est vne resolution bien accordee entre les philoso-  
 phes, que l'homme est fait d'une proportion moult  
 accomplie & parfaicte, voire plus que nulle des crea-  
 tures, apres le ciel, lequel tient la souueraine perfection. Pour ce  
 est appellé microcosmus, qui vault autant a dire que le petit  
 monde. Car il n'y a chose en la grãde machine du monde, qui ne  
 se trouue representee a l'homme. Doncques les anciens ouuriers,  
 qui voulurent asseoir leurs raisons sur l'ordre de construire &  
 edifier, ne peurent mieulx querir considerations propres, que  
 sur le maisonnement de Dieu eternal, qui est l'homme raportant  
 la vraye figure du grand maisonnement de ce monde, que ne  
 pouons apprehender pour nostre insuffisance. Pour ce s'adonne-  
 rent a imiter la proportion de l'homme, ou nature ba constitué  
 speculatiues proportions, lesquelles ont esté cachees par medier  
 tiercier, & faisant comparaison de la quantité d'un membre  
 a l'autre. Desquelz ilz ont prins pour racine & pour mesure mes-  
 surant les autres, la teste, qui est le plus noble & principal mem-  
 bre. Duquel on ha prins dimension pour exposer la forme des  
 bras, iambes, & reste du corps. Et sur ce ont inuenté depuis  
 mesures pour donner auctorité aux reigles faittes sur les ordon-  
 nances des edifices. Car a prendre toutes choses a rigueur, les  
 raisons donnees pour les edifices, n'ont point de contraincte ou  
 necessité que lon ne puisse autremēt faire. Mais pour asseoir rai-  
 son de beaulté & aornement, il n'est possible d'ensuiure meilleures  
 & plus contentans l'esprit, que celles qui sont imitatiues de l'hom-  
 me: auquel n'y a rien a reprendre ou reformer, en parlant du  
 genre humain. Ainsi les edifices bien proportionnez selon les  
 reigles des anciens, sont ainsi prochains de la forme de l'homme,  
 comme l'homme se trouue estre prochain de la forme & facon  
 du

du monde, & premier ourage de Dieu. P I C A R D. Quelles proportions donnez vous a l'homme bien comparti & mesuré? T A M P E S O. L'homme est bien proportionné, quand il ha dix fois la lógueur de son visage, ainsi que dit Vitruue: & selon Pomponius Gauricus, quand il en ha neuf. ce qui se peult accorder, en reputant que Pomponius Gauricus n'ha point compté en sa proportion la mesure mesurant. Toutesfois les modernes maistres dient qu'il doit auoir neuf visages, & vn tiers. De laquelle



le opinió est maistre Philippe de Bourgogne, singulier ouurier d'images. Varron aussi homme de grãd experience en tous les ars mecaniques & liberaux, & non pas moins introduit en architecture, qui est dependant d'icelles, lequel ha institué les mesures de l'homme en ceste sorte. Premier le visage de l'homme, des le premier point dessus le front iusques au plus bas du meton, qui est esgal a la lógueur de la main, a icelle pré-  
dre

dre depuis la ioincture du bras iusques a l'extremité du doy moyē. Apres disons que la teste entiere tient vn visage, & le tiers d'iceluy: c'est ce qui surmonte depuis le front iusques a la sommité de la teste. Le poiçtrail contient vn autre visage: & l'estomach iusques au nombril vn autre visage: du nombril iusques au membre genital y en a vn autre: & en chascune cuisse s'en y met deux: depuis les cheuilles iusques a la plante des piedz, vn tiers: au tournant des genoulx vn tiers: & a l'acheuement du col vn autre tiers: de sorte, que en somme toute se trouuent neuf visages vn tiers, Ainsi comme la presente figure le monstre.

¶ Par plusieurs autres manieres se peuuent mesurer les membres de l'homme, comme auons dict: la haulteur duquel ha six piedz des siens propres, & pareillement ha quatre de ses coultees. Encores disons, que depuis le point de la couronne de la teste, iusques au deffoubz du menton, la huytiesme partie du corps. De ceste couronne iusques au naissement de la gorge, vne quarte partie. De ce mesme lieu iusques au plus hault du front, vne sixiesme partie. De la largeur de l'homme, a scauoir du costé a autre costé, est la sixiesme partie de sa haulteur. Et des le nombril iusques aux roignons, la neufiesme. Et notez que ces mesures ne sont pas veritables en l'homme difforme monstreux & mal proportionné.

¶ Ainsi conuient scauoir que le visage de l'homme se forme en vn carré, parti en trois parties esgalles. Du premier se forme le front, du second se forme le nez, du tiers la leure de dessus, iusques au bas du menton, selon ce qu'est monstré en la presente figure. Et se dict qu'au premier cōsiste la sagesse, au second l'harmonie, au troisesme la bonté. On lit que les statuaires & imageurs d'Egypte, auoient telle perfection au scauoir de sculpture, qu'ilz

qu'ilz faisoient en diuers lieux, & de diuerses pierres, les parties d'un seul image: en sorte que d'icelles apportees en un lieu & adioutees, lon dressoit vne statue de parfaite proportiō. & cōbien qu'ilz n'eussent communiqué les vns avec les autres, les dites pieces s'assembloient si accordāment, qu'il sembloit que tout fust d'une piece & d'un seul artifice, tāt elles estoient bien toutes proportionnees & gardees.



*Addition.*

Ceste proportion est disconuenante a ce que dict Vitruue: & aussi par calculation d'arithmetique se cognoist, que la face ne peult estre la neufiesme partie du corps, & que la teste entiere soit la huitiesme d'iceluy. Car neuf visages ont 2. 7 tiers & le tiers abundant font, 2. 8 tiers, qu'ha le corps selon ceste raison. Et pour ce que la teste entiere tient quatre tiers selon ceste doctrine, il s'ensuyt qu'il ne peult auoir que sept testes de long, comme en calculant chascun peult comprendre. Pource que la teste ha oultre le visage deux neufiesmes, qui sont deux tiers d'un tiers de visage. Pour a quoy paruenir, faictes dix diuisions en vne ligne, & ce sera la longueur de l'homme, donc les cinq seront diuisees en quatre, & l'une est toute la teste: laquelle mise au visage, monstre ce que dict est.

**À** quelle raison se meüent les anciens d'ordonner toutes leurs mesures sur le rond, & soubz le carré. Et pourquoy cestuy art est nommé Romain, ou Italien.



Ntre plusieurs figures cerchees par les anciens, pour adapter la collation du corps humain, ilz trouuerent qu'il cōuenoit mieulx a la ronde, & apres a la carree. Premier a la rōde: car si vn hōme estoit estēdu, eslargissant les iambes de son pouoir, & couchant ses bras a la croisee d'icelles, il se rrouueroit que son nombril est le vray centre d'iceluy rond, en posant le compas dessus, & ouurant l'autre branche dudit cōpas iusques aux extremittez dudit hōme. qui me fait dire que la figure ronde est plus noble & parfaite en nature que nulles autres, soit triangulaire, carree, ou d'autre espece, esquelles nature ne consent point que l'homme puisse si bien conuenir qu'en ladicte rōdeur. L'homme se trouue aussi cōsonant, quand il est constitué en vn carré esgal de tous les costez, fait de la haulteur d'icelluy image, en sorte que l'vn des costez touche a la teste, & l'autre aux piedz, & les deux autres aux doigts de la main. Et quand lon produit deux diametres de coing ou angle a angle, il se treuue que le milieu de ladicte statue est au membre genital. Par ainsi lesdictes deux figures rondes & carrees ont este les fondemens prins par les maistres anciens en cest art Italique. P I C A R D. De quelle nation estoiet ces antiques, qui si diligemment ont cerché cestuy art? T A M P E S O. De Grece. P I C A R D. Doncques a ceste raison, il se deust nōmer art de Grece, puis que Grecz en sont inuēteurs. T A M P E S O. La cause qui la fait nommer art Italique, ou Romain, c'est, au  
temps

temps que les Romains furent dominateurs de plusieurs nations, ilz traouillerent de anoblir leurs citez des plus notables & scauans ouuriers qu'ilz peurent. Et pource qu'ilz trouueret en Grece & prouince de Macedone, & Achaie, les edifices moult beaulx & de grande antiquité & duree, procurerent d'auoir le maistre dudit lieu, pour leur dresser pareilz edifices: & ainsi que selon l'usage de Grece, ilz donnassent mesures à leurs constructions, pour rendre occasion a leurs successeurs de aussi bien ou mieulx faire. A ces causes leur vindrent tant de famés maistres & bons architecteurs, qu'ilz feirent des edifices de moult grande admiration audict art d'architecture, qui ont laissé belles & grâdes marques de edifice a Rome, ou de present elles apparent. Qui a esté cause, que ceulx qui ont esté depuis, ont eu vergongne de faire pis que parauant. & ainsi se sont augmentez leurs affections a chercher les bons maistres, & par consequent les maistres ont prins grand courage a scauoir les mesures de tous traitz necessaires en moultures & grimaces, qui ont depuis esté diuulguez par tout le monde, a cause que diuerses nations accouroient audict lieu de Rome, lors estant le chief du monde, & a present de la Chrestienté. Et a ceste cause ont esté renommez d'eulx lesdictz ouurages, & non pas des autres lieux, dont estoient les inuenteurs.

¶ Des principes de geometrie, qui sont necessaires a ceste science.

**P** Vis que on lit de protraiture dont nous voulös traiter, il est necessaire d'entendre aucuns termes de geometrie: cōmesōt lignes, cercles, angles, triāgles, cathetz, aires, & les autres, il me semble estre chose congrue de mettre la declaration d'iceulx & meilleur exceptiō de noz mesures. La  
science

science de geometrie est vn des sept ars liberaulx, dont ont besoing tous ouuriers mecaniques. Et s'ilz n'ont portion de telle science, ilz ne peuuent pas estre bien resoluz en leur scauoir. Geometrie est instrument, qui moult aide a comprendre toutes les sciences du monde. Pour ce Platon ordonna estre escript sur la porte de son escole, que nul ne fust si hardy d'entrer pour ouyr sa discipline, si premier il n'auoit instruction en geometrie, & arithmetique. Lesquelles sont deux sciences de si grand accord, qu'elles ne peuuent gueres l'une sans l'autre: car nul n'est bon geometrien, sans scauoir compter: & le compte n'est point bien mis a son vtilité & vsage, fors avec geometrie. A ce moyen ledict Platon quelque fois interrogué, ou gisoit la marque de raison, & sagesse de l'homme? Respondit que c'estoit, en ce qu'il scauait compter. En ces deux sciences sont contenuz grans secretz, & subtilitez. Plutarque raconte a ce propos, que Archimedes de Syracuse fist vn engin par art de geometrie, contre Marcellin capitaine des Romains, tenant assiegee la cite de Syracuse en Sicile, avec lequel engin il prenoit les nefz dudit Marcellin, & les esleuoit de leau, mettant icelles en la cite. Au pareil se lit d'un peintre, qui fut en Grece natif de Macedone, lequel s'appelloit EVPOMPVS, aiant esté maistre de Apelles. Lequel pour auoir sceu lesdictes sciences de geometrie, & arithmetique, adiousta plusieurs secretz en l'art de peinture, parquoy il fut nommé le premier en l'art de peinture. Et fist grans merueilles en ses ouurages, par la science de perspective, qui est vne espece de geometrie, dont luy fut acquis grand nom, & bruit par toute la Grece. Et obtindrent ses oeures tel pris, & estime, que pour l'excellence d'iceulx, il fut ordonné par les Grecz, que d'ilec en auant les peintres auroient leur admirable science comprinse entre les sept ars liberaulx, non pas


avec les ars mecaniques. PICARD. Vrayement ie di donc, que de ce est venu que les peintres sont pauures, car pour estre trop liberaulx nous despendons tout ce que nous auons, ainsi nous n'auons pas grand profit du priuilege de noz antecesseurs. T A M P E S O. Les scièces ne sont pas dictes liberales de la liberalité que tu entens. Ains sont elles nômees, pource que iadis nulz hommes de serue condition n'y estoient introduictz: & n'estoit souffert qu'autres les sceussent que les nobles & gens liberales. Et aussi pour ce qu'elles requierent l'hôme sans occupation des affaires mondaines, & qui sont contrainctz a faire oeuvres mecaniques. P I C A R D. Qu'est ce que tu appelles besongnes & sciences mecaniques? T A M P. Ceulx sont oeuvres mecaniques, qui trauailent des mains & du corps plus que de l'entendement, & qui fôt choses qui ne sont pas de speculation seule: côme orfeures, macôs, charpentiers, ferruriers, & les semblables, desquelz l'art n'est pas sans trauail exterieur: mais les ars liberaulx sont ceulx qui trauaillent seulement de l'esperit, comme grāmariens, logiciens, rhetoriciens, arithmetiques, geometriēs, musiciens & astronomiens: avec lesquelz sont compris les peintres & imageurs, soubz le tiltre de geometrie: desquelz l'art fut iadis tant prisé des antiques, que ils n'ont point acheué les louanges deues a vn seul dudit art, disans qu'il ne peult estre art plus noble ne de si grand prerogatiue que de peinture, qui met deuant les yeulx les histoires du temps passé, en nous releuant du labeur de les lire, & trauailler la veue apres le liure pour les rapporter a memoire. Et aussi la peinture est l'escripture des simples gens qui ne scauent pas lire: & par portraict & science d'apprendre, lon donne beaucoup a entendre de choses aux ouuriers mecaniques, mesmes a ceulx qui sont ministres de l'architecture. P I C A R D. Voiremēt, qu'est ce d'architecture,


chitecture, dont ie t'ay tant ouy parler? **TAMPESO.** Architecte  
 Et on est parolle grecque, qui vault autant a dire comme princi-  
 pal fabricant. Et pource les principaulx cōducteurs & maistres  
 des edifices d'importance, sont dictz architectes: ausquelz se-  
 lon Vitruue est requis d'estre philosophes & scauans es ars libe-  
 raux. Et certes aussi ils portent en leur imagination la forme &  
 entiere perfection de l'ouurage qu'on veult faire, lequel sans lesdi-  
 ctes sciences lon ne peut conduire deuement a chef: les comman-  
 demens & ordonnances desquelz, conduisent les mains des ou-  
 riers mecaniques, qui leur sont soumis. Si conuient noter qu'entre  
 autres scauoirs le bō architecte doit auoir ladicte sciēce de geo-  
 metrie, dont est escript par mains autheurs, mesmement **EVCLI**  
**DES** pere de Hippocras, es oeuvres duquel se trouuent & ont  
 esté extraietz les principes suyans.

**L**igne droicte s'appelle, quand lon  
 fait vn trait sans decliner ca ne la,  
 ains par continuelle procedure, comme  
 cy est a b.

**LIGNE DROICTE**  
 a ————— b

**C**ercle est vne ligne conduite par  
 rotundité, ou n'est faite fin ne com-  
 mencement, au milieu de laquelle a  
 vn point qu'on appelle centre, com-  
 me C. qui est esgallement distant de  
 la rondeur dudit cercle, laquelle ron-  
 deur est nommee autrement circunse-  
 rence, ainsi qu'est **DEFG**.







¶ Au rond se peuent faire plusieurs lignes droictes, quand elles viennent du centre tirant cõtre la circũference, cõme, CH, & CI. elles s'appellẽt ray, ou en latin radius: quand elles passent au trauers dudit rond, le disant en deux parties esgales ainsi, que K L. lon l'appelle diametre. mais si elle touche ladicte circunference sans passer par le centre, comme M N. lors s'appelle corde: & la place, qui est enfermee entre toutes lignes, est nommee aire.



¶ Le demi cercle est ce, qui separe par le diametre, comme OPQ. & l'aire, qui est contenue en la cloison desdictes lignes, est dicte demie aire de rond.



¶ Angle, est ce, que nous appellons en francois vn coing, qui est le lieu, ou se rencontre, & viennent toucher deux lignes, & tout ce rencontre de deux lignes, font tousiours vn angle, comme R S T V.



Toutefois pour la differẽce d'iceulx lon appelle la pointẽte dehors angle exterieur, comme est R. & le dedãs angle interieur, comme est V.

Encores lesdictz angles tant exterieurs, q̃ interieurs sont nommez diuersemẽt aussi angle droict, angle agu, & angle obtus, ou mouffe. Angle



gle droit est celuy, que vulgairement lon nomme escarre, & que les latins nomment rectangle, ou apres le grec orthogone. lequel angle est le moyen d'entre l'agu, & obtus, comme est, X.Y.Z.

¶ Les angles obtus sont, quād X & Z sont plus loing l'un de l'autre, qu'en angle droit, comme icy, A.B.C.


¶ Et l'angle agu est, quand les deux bouts X & Z, sont plus pres l'un de l'autre, que en angle droit, comme cy sont, D.E.F.

¶ Triangle, est la premiere figure, qui se fait de lignes droictes: & est ceste figure faite de trois lignes, & trois angles, pource est il ainsi nomme de la quantite des angles. Il est de trois facons de triangles, c'est assavoir, orthogone, ambli-gone, & oxy-gone. Triangle orthogone est, quand il ha vn de ses angles droit, comme est h, au triangle G.H.I.


Ambli-gone est celuy, qui ha l'un de ses trois angles obtus, comme est K.L.M.




**COxygone** est quand tous les angles sont agus, comme N. O.P.




**Q**uarré, est figure qui ha quatre angles droicts, & quatre costés esgauls, comme cy, Q. R.S.T.




**Q**uadrangle, est vne figure de quatre angles droicts, qui n'ha point les costés esgauls, ains ha les deux opposites plus grans que les deux autres, comme A. X.Y.Z.



**L**igne diagonale, est celle qui diuise vn quarré, ou vn quadrangle en deux parties esgales, en passant d'vn oing a l'autre opposite, comme la ligne, R.S.



**L**igne orthogonelle, est celle qui fait deux angles droicts, sur vne autre ligne, sans decliner d'vne part ne d'autre: & est ce mesme, qui est dict d'angles droicts, comme A.D. sur B.C.




&

Et par ainsi quand ladicte ligne AD. passe tout oultre, elle constitue quatre angles droicts, comme icy se monstre.

**L**igne spiralle, que les grecs appellent helica, est celle qui va a l'entour d'un premier cercle commencé, & non point acheué: & est tousiours par inuolution, ainsi comme est vne coquille de limace.

**A**xis est la ligne qui passe par le milieu d'un corps solide ou massif, comme est en la sphere, A B. Toutefois lon prend axis, ou axe, pour vne ligne perpendiculaire, qui passe a l'esquarre d'une autre, qui est nommee la ligne d'escription.




**C**omment lon doibt former la cornixe, & quelles sont les moslures de quoy elle est formee.



Pres auoir entendu les noms & termes de geometrie, qui seruent en ceste part: la premiere piece que deuous trasser, est la cornixe, pource que les moslures de quoy elle est composee, sont communes a toutes les autres

b iiij pieces

pieces d'edifices. Car nul des membres, que voulons cy apres former. ne sera sans estre garny de cornixe, ou de ses moslures. P I C A R D. Quelle chose est ce que cornixe? TAMPESO. Cornixe s'appelle en latin corona, ou cornices, qui veult dire coronement, ou rameau d'edifice. Et autrement ce rameau s'appelle toit, ou entablement. Et le pouons nommer cornixe, pour ce que aux cornes ou coing d'iceluy, se monstrent mieulx les moslures, qui y sont faittes, qu'elles ne font en autre part. P I C A R D. Il me semble que les moslures des edifices sont comme les bordures, & neruures qui se font aux vestemens, dont nous habillons. TAMPESO. Ne le cuide pas dire par mocquerie. Car ie te fay bien scauoir que la braueté & gaillardise des edifices consistent es moslures, qu'on employe: ainsi qu'en ton pourpoint, & chamarre les beaultés & choses plus regardees sont les bordures, & additions de soye la mises. Or doibs tu scauoir, que les moslures qui se trouuent, sont de huit facons, & differences, lesquelles se nomment diuersement, selon les diuers langages, & pays, ou lon en vse. Parquoy il nous est necessaire mettre la figure de chascune d'icelles en son nom: affin que les ouuriers, & lecteurs la cognoissent par son appellation, & l'usage de la contree, ou lon s'en sert. Doncques les noms sont gueulles, coronnes, bozelz, ou selon Vitruue sont dictz torus, eschines, ou demy rond, scoties, nacelles, gradilles, talons, carrés, & filets.




**G**ueulle, est vne moslure, que les Francois appellent doulcine, laquelle tient deux cornes contraires l'vne a l'autre, & ressemble a la gorge de l'homme, qui fut dictée en latin gula par les anciens, & par les grecz stoma.

Coronne

☞ **Coronne**, est autre moslure principale, & rectilineale, dont la figure est carree, & par le bas cauee. On l'appelle coronne, pource que antiquement avec ceste moslure on coronnoit tout a l'entour les edifices. autrement on l'appelle corōne, pource qu'entre les autres moslures elle n'ha pas moins d'auctorité ne eminences, que la coronne sur la teste du Roy. En la caueure d'icelle, est vne petite moslure, qui contient la sixiesme partie de sa haulteur, ainsi qu'en ceste figure appert. Et note, que toute moslure seule s'appelle cymaise; & quand il en y a plusieurs ensemble, elle s'appelle cornixe.




☞ **Bozel**, qu'autrement lon pourroit dire boiau, est vne moslure d'une ligne rōde, laquelle s'appelle par autre nom, rond: de rudens vocable latin, & Vitruue l'appelle torus.



☞ **Eschine** est moslure, qui ha figure de demy bozel. Ainsi le bozel fendu en deux, cause deux eschines.




☞ **Scotie**, autrement appallee trochiale, est vne moslure cauee en rondeur.



Et pour ce que la rondeur est interieure, comme si c'estoit l'oeuvre de bozel, il se pourroit dire contrebozel. Car il est de telle facon, que telle rondeur creuse ne recoit point de clarté. Les grecz l'ont nommee scotia, qui vault autant a dire que obscur. Aucuns ont voulu dire qu'on la deuoit nommer escorse, pource, qu'elle ha quasi l'escorse de bozel. Les Francois nomment telle moslure, rond creux, ou contrebozel, pource qu'il est contraire, & au rebours de bozel.


Nacelle



**N**acelle, est vne moslure, qui ha la facõ de demi escorse, ou demi scotia. Ainsi la scotie, ou cõtребозел, fendu en deux, fait deux nacelles.




**G**radille, est vne autre facon de moslure quarree, qui ressemble a la coronne, excepté qu'elle n'est pas cauee par des-sous. Cõmunement en icelles se font les dentelletes, qui se mettent aux cornixes.



**T**alon, est autre moslure, ainsi nommee pource qu'elle ressemble au talon de l'homme, qui en latin s'appelle talus. Et ha la mesme maniere, que la gueulle: ex-

cepté qu'elle est renuersee: & semble que telle moslure soit composee de demie eschine, & demie nacelle. Et se nomme par aucuns ouuriers, doulcine renuersee.

**Q**uarré, n'est pas proprement moslure, ains est vne eschine du quarré, qui se met es moslures pour les distinguer & separer l'une d'avec l'autre: & se peuuent dire corroyes, pource que ce sont comme petites corroyes, qui lient icelles moslures.



**F**ilet aussi n'est pas moslure, mais sert pour augmenter les differences des moslures, ainsi qu'est a, b.

**A**vec lesquelles moslures dessus nommees, & avec leur changement, se peuuent former tous embassemens que voudrés, & composer tous entablemens, & pareillement toutes sortes de cornixes, que lon trouue en tous edifices. Et soit noté, que toute moslure qui n'est pas rectilinaire, c'est a dire de ligne droicte, se peult composer de seule eschine, & nacelle.

¶ L'ordre qui se doit garder en composition de ces moslures pour former aucune cornixe, est que la moslure haulte saille plus que celle d'embas, de toute la grosseur qu'elle tient. Et est ceste reigle cy generale pour toutes moslures, lesquelles doibuent tousiours auoir autant de saillie, comme elles ont de haulteur.

¶ Les anciens voulans faire les moslures de la cornixe, avec quelque forme de raison, ordonnerent icelle, selon la proportion que nature ha mise au visage de l'homme, en mettant cinq quarres en cinq lieux notables de la face humaine.


¶ Assavoir le premier sur le front.

Le second sur les yeulx.

Le tiers au bout du nés.

Le quart a la fente de la bouche.

Et le cinqiesme au dessous du menton.



me raison. Et le quart aussi plus que le cinqiesme. en sorte que le premier sailloit plus que le cinqiesme, d'autant qu'il y a distance entre le premier & le cinqiesme.


¶ En ces quatre interualles, qui sont distingués de cinq quarres, formoiét

Le premier sailloit plus que le second, d'autant côme y a d'espace de l'un a l'autre. Le second plus que le tiers, d'autant aussi qu'il est large. Le tiers plus que le quart, a mes-

*Del. m. 2. F. 2. G.*

formoient les anciens quatre principales moslures. Assavoir sur le front vne gueulle, sur le nés vne coronne, sur la bouche vn torus, ou bozel, & sur le menton faisoient vn gradille, ou talon.

¶ Apres auoir trouué & formé les moslures auantdictes, noz peres inuenterent d'y approprier diuers ouurages, pour paruenir a meilleure elegance, & gente facon: & feirent en chascune, les ouurages consonans aux parties, combien que c'est au plaisir des ouuriers d'y asseoir tels ouurages, qu'ils voudroient, pourueu, qu'on



garde la grace, & contentement de l'oeil, avec les choses, que la science demande, en employât les facons au mi-

eulx, que la coronne sera de proportion, comme il est icy monstré par la figure.

¶ Les antiques nommerent telles oeuvres aornemens Corinthiens, pource que ceulx de Corinthe furent premiers inuenteurs de tels aornemens, & embellissement.

¶ Plusieurs ont voulu dire, que les differéces, qui se font es moslures, ont esté trouuees des caractères des lettres Attiques: assavoir, la gueulle, & le talon, de la lettre S. La coronne, & gradille furent extraictes de la lettre L. Et outre la scotie ou torus, de C, Et ainsi par imagination, des autres caractères.

DE

¶ De la forme & mesure, que doiuent auoir les colonnes, & de leur premier origine, & inuention.



¶ C'est assauoir, qu'il ya cinq genres de colonnes de l'ancienne facõ. C'est assauoir, Doriques, Ioniques, Tuscanes, Corinthes & Attiques. Les Doriques sont dictes de Doreon roy de Grece, duquel ya vn peuple nomme Dores, qui furent les premiers edificateurs du tẽple. Et fut leur premier tẽple fait en la citẽ d'Argos, & depuis s'en firent moult d'autres en la citẽ de Achaie. Mais ilz n'y mirent point de colonnes, a cause qu'alors ilz ne scauoient point comme on les deuoit former. Quelque temps apres les Ioniens, qui habitoient en la citẽ de Cara, laquelle fut dictẽ Ionie, a cause du capitaine Iones, qui la conquist, voulurent faire vn temple a la facon de ceulx de la terre de Achaie, afin de la cõsacrer a Apollo. Et quãd vint a y mettre des colõnes, les maistres des edifices, qui ne scauoient, quelle proportiõ ilz deuoient donner a icelles, s'aduiserẽt de les former a la proportion de l'hõme, laquelle ilz trouuerẽt auoir six fois la longueur de son pied en sa haulteur, & a ceste raison instituerent, qu'ilz feroient les colonnes, six fois aussi haultes, qu'elles estoient grosses, si furent les colõnes de telles facõs appellees Doriques. PICARD. Plustost les deuoit lõ appeller Ioniques, puis que les Ioniens en estoient inuenteurs. TAMPESO. Mais on fonda leurs noms pour ce, que elles estoient trouuees, pour mettre au tẽple des imitateurs des Doriques. Car le tẽple des Ioniens portoit le nom des inuenteurs. PICARD. Mais la colõne estoit tousiours Ionique. TAMPESO. Il est

DORIQVES



est

est vray, mais les Ioniens laisserent ce nom ausdictes colonnes ainsi premierement inuentees: & par seconde inuention ilz se mirent a edifier en la cité de Ephese vn temple a l'honneur de la deesse Diana: pour lequel esleuer & construire, ils firent vne facon nouvelle de colonnes, lesquelles ils taillerent a l'imitation de la seconde humanité, qui est la femme: & retindrent ceste seconde forme pour luy donner leurs noms, comme plus aornee, d'autant

**IONI QUE**



que la femme est plus belle que l'homme. Or est il ainsi que la beaulté de la femme consiste au visage, lequel est huit fois & demie en la grandeur de sa stature, dont ils prindrent fondement que lon deuoit donner longueur aux colones de huit largeurs & demie. En quoy faisât ils disoient mieulx imiter la femme, & complaire en ce a la deesse Diana. Mais d'abondant ils voulurent représenter la forme feminine esdictes colones & leurs chapiteaux. Et pource adapterent a la longueur desdictes colones vne maniere de canaulx a la semblance des surcotz ou cottes qu'õ portoit audict temps, qu'ils nomerent striates: lesquelz canaulx & voies creuses representoient les plis & fronses des habits desdictes femmes. Et en perseuerant a telle imitation, ils faisoient deux entortilleures au chapiteau ainsi que deux coquilles de limaces, qui sont de facon spirale. Lesquelles signifiēt la cheueure que les femmes ont retrouffee vers leurs oreilles a la facon du dict temps, ainsi telles colones qui ls trouuerēt plus elegantes, furent nommees Ioniques a la memoire desdicts inuenteurs. Le temple dessudict, selon qui se trou-

ue par aucuns auteurs contenoit 425 piedz de longueur, & de largeur deux cens & vingt. Ces colonnes furent selon le nombre de leurs roys, cent & vingt & sept d'une piece, dont chascune auoit soixante piedz de hault. lequel edifice fut trouué si magnifique, que la renommee en estoit par tout le monde. Pour lequel construire & parfaire, ilz employerent deux cens ans. Ceste gent mit au temple l'idole & statue de Diana. Laquelle ilz feirent de cept de muscadedet, autrement hebenus appellé, en espaingol cepa de parra, ou selon aucuns, de hebenus, qui est comme dict Pline, vn bois qui iamais n'enuieillist.

Parquoy elle dura plusieurs annees, & iusques a ce que ledict temple fut bruslé par la main d'un homme, qui pour auoir gloire & occasion de faire parler de luy au temps aduenir, il mist le feu dedens. Mais les Grecz sachans son intention, defendirent sur grosses peines aux historiographes de mettre son nom en leurs croniques, affin qu'il fut frustré de l'effect de l'intention, pour laquelle il fit ce mauuais exploit.

¶ Le tiers genre de colonnes s'appelle Corinthe. la mesure de ceste colonne fut au commencement de dix grosseurs, a raison de ce qu'il y a dix visages en la haulteur de l'homme. Neantmoins elle fut remise depuis a neuf, par la raison de la coniunction des largeurs de la colonne Ionique.

¶ Le quatriesme genre de la colonne, est la colonne Tuscanne, laquelle formerent les Tuscans, qui est vne gent d'Italie, encore de present ainsi nommée: la principale cité est Florence. Ce peuple

CORINTH




fait.

**TUSCANE** feist sa colonne de sept grosseurs a la difference de la Dorique. Aucū dient, que de deux colōnes Doriques, & Corinthes ont esté engendrees les autres especes de colonnes. Car voyant les antiques la premiere mesure de la Dorique, estre moult massiue, & lourde, & la Corinthe estre forr deslice, & alaigne, ilz adiousterēt les six grosseurs de la Dorique, avec les dix de la Corinthe, qui sont seize. Et dudit nombre prindrent la moytié, qui est huit, dont fut institué la haulteur de la Tuscane. Depuis ilz feirent coniuñtion de la haulteur d'iceulx Ionique, assavoir huit, & de la haulteur de la Corinthe, qui est dix, & de ce prindrent la moytié, qui est neuf, pour faire la vraye mesure de la Corinthe, qui, cōme est dict cy deuant, estoit au premier de dix largeurs. Ainsi te sont declarees les quatre especes de colon-

nes, assavoir Dorique de six grosseurs, Tuscane des sept, Ionique de huit, Corinthe de neuf grosseurs, pour constituer la haulteur de chascune.

¶ La cinquiesme, & derniere facon de colonnes s'appelle Attique, qui fut faicte carree. Et si te cōuient noter, que toutes colonnes, qui sont carrees, s'appellent Attiques, & furent dictes des Atheniens premiers inuēteurs d'icelles, & qui premiers mirent colonnes carrees en leurs edifices. Telles colonnes n'ont point de mesure determinee, ains peuuent estre faictes de telle haulteur, que l'ouurier veult choisir.




Des

**¶** Des mesures qui sont cy deuant declarees, ceste espece de col-  
 nes quarrées est en plusieurs facôs selon diuers lieux d'Italie, dont  
 la plus grand partie sont formées & vuidées a canaulx, ainsi qui  
 me souuient auoir veu a saint Iehan de Florence. PICARD.  
 Lesquelles te semblent de meilleure proportion en toutes ces cinq  
 sortes de colonnes, & soustenir plus gros traual? TAMPESO.  
 La Dorique est suffisante pour soustenir toute la charge qu'on  
 luy voudra donner, & apres elle la Tuscan: & pour ce furent  
 nommez des antiques ouuriers macons, & par autre appellation  
 hembres. Chascune desquelles colonnes doit auoir sa moslure au-  
 tour du pied, comme autour du chef. La moslure du pied se com-  
 pose d'un filet, & d'une nacelle: & la moslure qui proprement  
 s'appelle siege de colonne, se compose d'un torus, d'un filet, &  
 d'une nacelle.

**¶** Noz predecesseurs tindrent aucunement grand cōpte de telles  
 moslures, & les cōmandoient estre faittes es colonnes, cōme par-  
 tie tresadressant. PICARD. Si ne semble il pas qu'il soit grand  
 necessité desdictes moslures, sinon pour faire mieulx apparoir les-  
 dictes colonnes, & les orner. TAMPESO. Lon ha bien  
 autre raison, que pour ordonner la beauté, & mesmement l'impo-  
 sition des moslures du hault. Car elles sont cause que la ioincture  
 d'entre le chapiteau & la colonne n'est point veue. Encore est  
 la principale intention des ouuriers, lesquelz par leur passetemps  
 prenoient grosse cure a chercher les ioinctures, & assemblages de  
 leurs oeuvres, & de ce faisoient leur possible. PICARD. C'est  
 chose louable que suiure les inuentions des antiques, ce que ie de-  
 sire bien faire. Mais comme les pourray ie imiter, & faire les mos-  
 lures & saillies selon les reigles qui en sont donnees? TAMP-  
 PESO. Pour former la moslure du pied, il conuient partir le

diametre du plant en 24 parties esgales, desquelles tu donneras deux au bozel, & vn a la haulteur du filet, & trois a la haulteur de la nacelle. PICARD. Que nommez vous plant & diametre? TAMPESO. Y appelle plant le siege de la colonne, comme A B C D. Et diametre, le traict qui passe par le milieu dudict plant, comme A C. PICARD.



Tu m'as aduise d'une chose qui ne doit point passer sans estre entēdue. Pour ce ie te demāde, quād nous prenōs le diametre de ce plāt, pour en faire la longueur es colōnes, selō qu'il en ha esté cy deuāt declaré, doy ie prendre le diametre de la saillie des moslures, ou le diametre de la colonne sans moslures? TAMPESO. Prends celuy de la colonne: car toutes choses nous rabatōs du diametre, tout ce qui fault hors d'icelle colōne, qui est ce dont excēde la moslure, selon que verrōs cy apres. La mesure du siege superieur, autremēt dict



la moslure haulte, se fait en ceste facō: diuisez le diametre de la colonne en douze parties esgales, & d'icelles dōnez en vne a ladicte moslure qui est faicte de bozel, & vn filet: laquelle 12 partie sera de rechef diuisee en trois, dont les deux tiers serōt pour ledict bozel, ou torus, & l'autre tiers sera pour le filet. En apres tu dōneras aussi a la nacelle vne diuision & demie desdictes portions. Et quāt a la saillie de ladicte moslure, elle doit auoir autant hors de la ligne de la colōne, cōme le bozel & le filet cōtiennēt ensemble en la haulteur, comme cy est E.

Comment

**C**omment on doit obseruer reigle a  
restressir les colonnes par dessus.

**L**es antiques considererēt iadis que les colonnes estans  
restressies par dessus en estoient beaucoup plus fortes,  
& soustenoïēt mieulx les fardeaux dont elles estoient  
chargees, que celles qui sont esgallement larges par tout. **P I C A R D.** Cōme se peult cela croire? **TAMPESO.** Facilement,  
en considerant que toutes les parties de colonne retressie sont ainsi  
que si elles auoient des supports, & réforcemēs par dessoubz, &

est la proportion qui est dessoubz elle, qui tombe tous-  
iours a plomb, lequel soustient & est cause  
de grande force & fermeté, & qu'elle  
ne desuiuent point d'auantage. Ladiēte  
facon des colonnes fut inuentee par la  
suyte des oeuvres de nature: car ils prin-  
drent garde que nature faict ainsi es  
arbres, & es plantes, comme sont cy-  
pres, oliuiers, & sapins, lesquelz sont  
gros au prochain de la racine, & par  
industrie de nature ils sont estressis au  
dessus. Pareillement quand vn hom-  
me est leué tout droict, il occupe plus  
de lieu aux piedz que en la teste: qui  
fut la forme de ceste premiere forme en  
la colonne. **P I C A R D.** Quelque  
chose que tu me dies, lon veoit que si  
vn homme est chargé, il ioinct ses piedz  
comme vn cheual qui veult tenir fer-  
me, ce qu'on luy impose. Ainsi



cij

a ceste

a ceste imitation la colone doit estre estroicte aux deux bouts, & grosse au milieu. TAMPESO. Il ne se fait point qu'elles soient estroictes dessous, mais on les estressit par dessus en deux manieres: les vnes sont restressies en commenceant depuis le bas, & les autres sont restressies depuis le milieu tant seulement, & depuis le bas au milieu sont esgales: lesquelles sont premieres & plus antiques, & qu'on repute plus naturelles. Celles qui sont restressies depuis le commencement & siege d'icelles iusques au dessus, sont communement faittes a canaulx & striates a la maniere de plis de cottes, comme il ha esté dict cy dessus, dequoy lon met cy les exemples, selon qu'il y a diuerses hauteurs de colonnes. ainsi auons nous diuerses reigles pour les restressir, desquelles nous ferons mention par ordre.

COLVNES ATEVRDE	DIAMETRE BAS	DIAMETRE AIZI
15	12	10
20	13	11
30	14	12
40	15	13
50	16	14
60	17	15
A	B	C

¶ Toute colonne qui ne passe point 15 piedz de hauteur, il fault diuiser son diametre en six, & de telle portion prendre les 5, pour faire la largeur du hault d'icelle colonne. Toute colonne qui ha longueur de 18 a 20 piedz, il fault partir le diametre de son plant par treize parties esgales, desquelles diuisions fault prendre les vnze pour le diametre du hault de la colonne, qui s'estend de 20 a 30 piedz: & doit estre le diametre de son plant diuisé en sept, & d'iceulx donner six au diametre hault d'icelle


d'icelle colône. Et pour eüter prolixité de parolles, est cy faite table desdictes extētiōs de diametres, par laquelle table se trouuēt facilement lesdictes largeurs. Car les premiers nombres, qui sont soubz le nombre A, sont les haulteurs des colonnes qu'on voudra faire. Les seconds nōbres qui sont soubz B, sont les portions des diametres des plants & bas sieges de colonnes. Les tiers nombres, qui sont soubz C, sont les portions & quātitez que doibuent auoir les colonnes par dessus, & en leur plus estroit. Par lesquelles reigles se peuuent faire colonnes plus petites, ou plus grandes: car au lieu des piedz lon peult prendre des poulces, ou des paulmes, ou d'autres mesures plus grādes, ou plus petites selon l'intention qu'ō ba de les eriger. PICARD. Lon peult dire se me semble des plus petites, ainsi cōme des plus haultes: & d'abondant ie croy qu'on n'en trouue point de plus grandes que de soixante piedz de hault, sinon qu'elles fussent de pieces. Mais ie demāde plus, a quel propos fais tu tāt de manieres de reigles, & que ne restressis tu toutes colonnes par vne mesme reigle? TAMPESO. C'est affin que toutes colonnes semblent estre d'vne mesme proportion & mesure: car si la grande colône estoit estressie par la mesme mesure que la petite, elle se monstreroit differente de forme a la veue, & a la verité: & se trouueroit quelque difformité, a cause qu'il est notoire en perspectiue, que tout ce qu'on veoit de loing se monstre moins qu'il n'est: au moyen dequoy, fut ordonné que la plus grande colonne fust moins restressie que la petite, affin qu'en les voyant, elles fussent iugees estre semblables en forme, qui est cause que i'ay mis lesdictes tables & reigles. D'autres colonnes y a il, qui se montrent plus grosses a la veue qu'elles ne sont. a quoy les anciēns remedierent, en les amenuisant plus que leur propre mesure. & la cause de ce est l'eau, ou l'air espes: dont les maistres de perspecti-

ue rendent raison, disans que ce prouient de la reflexion des raiz multipliez sur la superficie de l'eau. de ceste chose appert chascun iour par experience a veoir en l'eau, ou a regarder les corps en temps obscur, auquel brouillars s'eslieuent. Les colonnes faictes a ceste imitation, sont mises es temples. Et sur ce dict Pline, que d'autant qu'on met les colonnes plus pres l'une de l'autre, d'autant se monstrent plus grosses, & plus espesses, & obscures. Encore dient les antiquies, que de deux colonnes pareilles en loqueur, & grosseur, si l'une est cauee par stries & canaulx en facon de pliz, elle se monstrera plus grosse, que celle qui ne l'est pas. Car la veue est fraudee par l'air engrossi, qui est esdictz canaulx. P I C A R D. Maintenant cognoy ie, qu'il est besoing au parfait architecteur, d'estre non seulement manuel ouurier, ains naturel philosophe, a cause que luy fault donner & respondre raison des causes & passions suruenans es besongnes: & respondre sur les altercations, que recoiuent ces oeures prouenans en partie des elemens. Or puis qu'ainsi est, que m'as parle de ces canaulx, & stries, ie te prie, que i'en aye quelque declaration, veu qu'ils viennent icy au propos de la matiere.

**C**omment se doibuent cauer les stries, ou canaulx dedens les colonnes.


**L**es stries, qu'on peult autrement nommer plicatures, ou canaulx faictz es colones, se trouuent tousiours en paires, & nombres qui se peuuent diuiser par quatre, ainsi que sont les nombres, 8, 16, 20, 24, 28, 32, 36, & autres. lesquelz nombres sont appropriez ausdictes stries de colonnes: pource que d'iceulx lon faict les premiers nombres contenans les quarterons, ainsi que 24, qui tient six quarterons, & 28, qui tient sept quarterons, dont sont creés par le menu les stries qu'on pretend enca-

uer. Les antiques ont vsé desdictz nombres en telle maniere, que les plus grans ont esté tousiours donnez aux colonnes de dedens, & les moindres aux colonnes de dehors. Qui s'entend, que colonnes enserrees veulent les stries plus espesses, que celles qui sont serrees: a cause que, comme dict est, elles sont plus restressies, & semblent estre pareilles a celles de dehors, qui sont plus grosses.




Lesdictes stries se peuuent faire en tous gères de colones quarrees ou rōdes, tāt Ioniques, Doriques, qu' autres. La caeure d' icelles stries doit estre d' vn demi cercle, lequel on examine avec vne escarre, s'il est bien formé. P I C A R D. I'ay bien doctrine cōtraire a mon cuyder. Je pensoye qu'il n'y eust autre engin pour examiner la strie ou demi canal estant es colonnes, sinon avec quelque mole equilibre, taillé au iuste d' vn demi cercle. Et maintenant tu dis que avec l'escarre lon le peult examiner, combien qu'il n'y a qu' vne pointte en icelle escarre. T A M P E S O. C'est suffisance pour prouuer la regularité de ladicte concauité.

Car si tu la metz dedens ladicte caeure, la pointte de ladicte escarre touchera le fons d' icelle, & de ses deux branches elle attindra aux arestes & costez des stries estans deca & dela d'elle: & ce est suyuant la proposition tren-




iesme du tiers liure de Euclides, qui dit que tout triangle qui se fait au demi cercle, ha de necessité vn angle orthogone, ou droit, si le diametre dudict cercle est vn des costez dudict triangle. C'est a dire, si le demi cercle A B tient en soy quelque triangle que ce soit, dont l'vn des costez soit la ligne A B, il s'ensuyura, que les deux autres costez feront vne escarre droite & reguliere, qui est science moult a priser par les ouriers, qui sont moult speculatifz.



Il se fait aucunes fois des colones, qui ont leurs stries iointes les vnes aux autres, qui sont en espace ou distâce de filet être deux. mais cela se fait

tant seulement quand les colones sont Doriques: car es autres il y a tousiours distâce & entre deux d'vn filet, qui doit auoir la largeur de la 4 partie du diametre d'icelles stries.



Il aduiet aussi par dedes les stries d'aucunes colones que lon fait des boudins qui montent par fois iusques a la moitié de la colone, lesquels se mettent pour garder les eschines, ou arestes desdictes stries comme parties qui sont plus souuent touchees, & en danger d'estre offensees, ce qui orne mieulx & accroist l'elegance des colones, comme il se veoit en la figure presente.

Beaucoup

**C**Beaucoup d'edifices en Grece, & Italie, ont grandes colones de dures pierres, assises & posees sur bases de metal, ayans chapitez aux aussi de metal, comme on veoit a Rome, mesmement a sainte Marie la rotonde. Du temps de Marc Agrippe Consul Romain, s'est trouué des colonnes moult grandes, qui sont de metal, & si diligemment acheuees, que tous ceulx qui les voyent, les iugēt estre parfaittes au tour. ce qui n'est pas merueilles, veu qu'on list de deux maistres, l'un nommé Tholon, & l'autre Teolon, lesquels auoient fait vn engin, auquel ils tournoyent toutes colonnes, tant de pierre, que de metal, voyre quelque grandeur qu'elles eussent. Et si estoit de telle facilité, qu'un seul garson les tournoit, & faisoit mouuoir. **PICARD.** Je voudroye auoir veu quelques colonnes de celles que tu dis ainsi ouurees, & par si grande curiosité acheuees: carie ne croy point, que les ouuriers de maintenant traouillent a obseruer les reigles, qui appartiennent a cest art. **TAMPESO.** Les bons ouuriers, desirans que leurs oeuvres soyent de renommee & auctorité, traouillent tousiours a fuyr reprehension, & vice: parquoy ils gardent a leur pouoir les mesures antiques, comme fait ton voisin Christofle de Andino, duquel les ouurages sont plus prizez en reputation, que nul autre, qu'on face a present. Et si tu ne me veulx croire, aduise ce qu'il a fait pour tō seigneur, monseigneur le Cōestable, lequel tient cognoissance en cest art par dessus tous les meilleurs ouuriers du royaulme. Doncques puis que tu es si affectueux a scauoir, il te fault frequenter les maistres, qu'il met en besongne, & tu y voirras moult de colonnes que desires, avecques leurs bases faittes par grande curiosité, & de facon, qu'on n'a point faitte par cy deuant, desquelles nous commencerons a traicter la forme demain au matin, pource que de present il sen va nuict, & ie suis fort las. **PICARD.** Si me fault il scauoir, car autrement

ment ie ne dormiray ia de bon somme.

¶ De la formation des colonnes dictes monstrueuses, candelabres, & balustres.

PICARD.

**L**E te donne beaucoup de peine a te retarder pour persueuer a me dire ce qu'ay desir. Mais puis que ie tiens le compas en la main, di moy le train de ces bases. Toutefois premier que passe oultre, ie te vueil faire declaration d'une fantaisie, qui me tient depuis que ie t'ay oy premierement parler de ces colonnes. C'est, que iamais ie n'ay dormy en pur repos, que tousiours mon imaginatio n'ait vaqué apres icelles, car ie ne puis encores entierement entendre ce, que m'en as dict, combien que alors il m'eust semblé que i'eusse bien tout entendu. Or voudroy ie bien a plain entendre tout ce qu'il en est, auant que me trouuer deuant les ouuriers de Andino, pource que ie me suis ia ingeré de les aller veoir. Et entre les colonnes rondes, & quarrées, qu'ils font en diuerses sortes, i'en ay apperceu vne estrange, que ie ne sceu cognoistre, si elle estoit Dorique, Ionique, ou Tuscanne: ie m'enquis, comment elle s'appelloit, & ils me la nommerent balustre. Aussi auant que deuiser d'autre chose, instruis moy, que c'est: car ie les repute d'autre genre, que les colonnes dont tu m'as par cy deuant parlé. TAMPESSO. Et comment t'en pourray ie instruire, veu qu'ils n'en ont fait mention en leurs liures de balustres, autrement dictes balustes? ne t'esmerueille, si ie n'ay parlé de leur formatio. PICARD. Il pourroit bien estre, qu'ils n'en ont rien escript, neantmoins il s'en veoit en leurs edifices. TAMPESSO. Il est vray, que en plusieurs edifices, y a moult diuersité d'aornemens, qui se mettent plus pour enrichir, que pour nécessité,

nécessité, & ne tiennent point mesure determinee: comme font les colônes qui s'appellent monstrueuses, candelabres, crestes, & beaucoup d'autres differences, a chascune. Desquelles autrement la balustre qui est comme vn tronc de colonne retiree, & son siege rond, comme le cul d'un vrial, dont plusieurs la nomment ainsi, & est leur figure de ceste maniere.



Les Grecz l'ont appellee barycephala, qui vault autant a dire en francois que grande teste.

Et ie croy que lon l'appelle plus proprement baluste, qui descet de ce nô latin balustium, qui est la fleur de la grenade, de laquelle est nommee telle colonne.


Quand on veult orner aucunes d'icelles, on y met le long de la haulteur qu'elles ont des busettes & vaisseaux antiques, & diuersement formees, & reuestues de fueillages & autres coniectures trouuees a labeur fantastique. & apres les auoir mis l'un sur l'autre, on assiet au dessus la baluste, comme appert en ceste figure.

Pour la forme de laquelle fault regarder que le restressissement des gueulles es vaisseaux ne soient plus deliez, que la gorge de la



*Reste balusti de crede: barycephala greci, è vna tetta  
in Gesarda f. 26.*


la balustre. Or vèulx ie nommer la gorge, ce qui est plus estroict  
 en ladiète balustre, & est celle mesme qu'on fait aux colones sila  
 balustre ha vn chapiteau. Es balustres de candelabres ne se peult  
 assigner forme determinee, a cause qu'on les trouue de diuerses ma-



nières, & tient on seule-  
 ment compte de la base,  
 laquelle pour la pluspart se  
 faisoit en forme triangu-  
 laire, & tenoit en haul-  
 teur deux septiesmes de  
 tout le candelabre, cōme  
 sont A B, diuisé en 7,  
 dont les  $\frac{2}{7}$  sont B C, &  
 c'est pour la haulteur de  
 ladiète base. Et pour la  
 largeur de chascune des  
 trois costes fault prédre  
 deux fois l'espace de B  
 C, cōme est D E. Ité chaf-  
 cun des trois costez bas,  
 cōme sont, D E, est plus  
 grand de la quarte par-  
 tie que l'ũ des costez d'e  
 hault, cōme est F G. Au  
 dessus de ces vaisseaulx  
 viét vn vaisset ou bu-  
 rette antique, sur lequel  
 viét la balustre. puis des-  
 sus icelle balustre y a vne couche ou rōdelle a facon de tasse, ou se  
 brusloient

brusloiet certaines gômes, & huilles: & se doibt garder leur forme, comme nous auons dict cy deuant de restreſſiſſemēt & eſlargiſſemēt des vaiſſeaux, qui n'est pas plus allegé, ne amoindry que la gorge de la baluſtre, comme il ſe monſtre en la preſente figure.

¶ Les angles de ladiēte baſe trigonale ſe fôt des pattes de liôs, chiens, griffons, ou d'autres beſtes cruelles, & par aucunes les gueulles d'icelles. Mais il n'ya point de meſure a les conſtituer: parquoy en les voyant en protraicture, tu les auras pluſtoſt apprinses, que par doctrine de parolles. PICARD. I'ay cy deuant ouy de toy, que tous ouurages antiques giſēt au rōd, & au quarrē: & maintenāt tu me declares, q̄ la baſe du cādelabre ſe faiēt ſur la forme triangulaire. TAMPEſO. Ce n'est point cōtrariētē a ce que i'ay dict: mais tu doibs ſcauoir, que les candelabres ne ſont es edifices, ſinon par emprunt. Car iadis on les inuēta pour faire les ſacrifices des idoles, auſquelles les anciēs offroiēt encēs, baulme, myrrhe, & autres choſes ſemblables, qu'ils bruſloient avec grādes ceremonies. Or cōuient il noter, que tous philoſophes ayans prins conſyderation es ouurages de nature, ont apperceu, que du nombre imper aucuns ſont diuins, diſans a ces cauſes, que nature auoit grande obſeruation dudiēt nombre: & Virgile diſoit, que Dieu s'en reſiouyſſoit. entre leſquelz nombres impers, celluy de trois a eſté cogneu le plus noble, & exquis. A raiſon dequoy, ils aſſirent leurs candelabres ſur baſes de trois coſtes, ſigniſiāt les amitez & deuotions, dont ils vouloient complaire a ce, qu'ils reſpotoient leurs dieux. PICARD. Ta raiſon me contente. Toutesſois ie croy qu'ils n'eſtoient pas contemplatifz iuſques a cela, ains qu'ils faiſoient leſdiētz trigones pour la ſeureté du ſiege. Car il me ſemble, que vne aſſiette eſt plus ferme a trois piedz, qu'elle n'eſt a quatre: & quelque fois tu m'as racompté, que Ariſtote diēt, qu'il n'y a  
point



point de corps solide, ou massif, qui ayt  
autant de fermeté qu'en la tetragone,  
a cause qu'on le peult transterner quād  
il est assis. A ce moyen est dict que  
les hommes doibuent trauailler pour  
en constance ressembler aux tetrago-  
nes, affin que fortune tomber ne les



face par aduersitez, ou trop esmouuoir par  
felicittez, comme i'ay souuent ouy dire, &  
veu d'aucuns ayans receu des fortunes, dont  
ie me tairay, affin que ne recite rien de  
moymesme. TAMPESO. Ie te iure en  
verité, que tu as fait vne responce de  
merueilleuse valeur & efficace au propos  
que tenons, en sorte qu'il n'y a que repli-  
quer, pource passons oultre.

Il y a d'autres balustres, qui se font pour  
pilliers ou bastons de tendues & cloisons de  
chappelles, oratoires, & galeries: & sont com-  
posees de deux demies fustes esgalles en leurs  
grosseurs, longueurs, moslures, & en tous  
leurs ourages. Ces genres de balustre  
sont plus deliez & plus longs, selon que  
la disposition du lieu ou elles se doibuent  
poser le requiert. Celles qui se font de  
pierre, sont plus grosses que celles de matie-  
re. Et celles qui sont de matiere, sont plus  
grosses que celles qui sont de metal, & est  
le menu du hault pareil au menu du bas,

en






en sorte que le pied & la teste n'ont point de difference, ains sont es ourages & moslures d'un semblable labeur. si fault il prendre garde en les faisant, que les entrailles des moslures venans au milieu, ne soient plus deliees que les gorges de balustres: & que les moslures mises au bout, ne saillent point tant comme les ventres. Le dire n'en peult tant monstrier, comme le veoir, pource la vision fera la reste. Leurs mesures n'obligent point l'ouurier. Au moyen de ce, ie cesse d'amener ces raisons, & vueil dire les formes des bases & de leurs membres.

¶ Cōment se doibuent former & mesurer les bases, & premierement la base Dorique.

**S**pires, selon que disoient les anciens, sont circulations enuironnātes vne chose, pource que toutes les moslures des bases sont circulaires. Et ainsi qu'il y a diuersité de colonnes, ainsi est il diuersité de bases: les vnes s'appellent Doriques, les autres Ioniques, les autres Tuscanes, & les autres Italiques: lesquelles differences consistent, & sont cogneues en leurs moslures. Assauoir que les vnes en ont plus, les autres moins, cōme verrons apres. P I C A R D. Ie voudroye scauoir si telles moslures sont pareilles a celle de la cornixe. T A M P E S O. Ce sont les moslures, mais il les conuient nōmer par autres noms, que trouuerons plus aptes & mieulx appartenans a icelles, quand elles se posent en la base. P I C A R D. Di donc que ie les entende. T A M P E S O. Toute base generalement est autant haulte que la moytié du diametre de la colonne prinse en son plant. Et sont ainsi appelez les mēbres, desquelz est cōposee la base, murezilles, trochiles, armilles, eschines, nacelles, plintes, & filets.

Murezilla



la base pour le plus. Aucunesfois il s'en trouue de ronde, comme il est icy monstré.



Filets s'appellēt les grosseurs qu'ōt les bors des moslures, cōme les bors de trochile & des autres, lesquelz mēbres sont cy deuāt figurez, ceulx qui commn-

¶ Murezille est le bozel rōd, qui se trouue en la base, lequel anciēnemēt se nōmoit torus, q' veult dire certaine chair dure & nerueuse, dōt cōsiste la forme & la figure de cestui mēbre resēblant a vn torteau de pain.

¶ Trochile, est vn autre mēbre principal en la base, qui s'appelle ainsi a cause qu'il est semblable a vne poulie, qu'ō appelle trochile en grec, que les latins disent rotula.

¶ Armilles sōt cōez, 3, ou 4, aneaux ioinctz en vn doigt: qui sōt ainsi diētes, pource qu'ē latin lō appelle armilla certaines boucles, ou cercles portés par les fēmes en leurs bras.



¶ Escbine, est autre moslure qui se met sur le plinte en lieu de murezil le, & sa figure est cōme demi bozel.

¶ Nacelle, est figure ayant la figure de demie trochile.

¶ Plinte, est vne assiette quarree de la base, & s'appelle en grec la-drille, & par autre nom latestro. sa grosseur est de la tierce partie de

communemēt se trouuent aux bases. Desquelles pour la base Dorique prenons vn plinte, & deux murezilles, & vn trochile, avec ses filetz. Quant a la haulteur de chascune base, nous auons ia dict, qu'elle doit auoir autant de haulteur, que la moitié du diametre de la colonne, de quoy nous donnons au plinte la tierce partie: & ce qui reste depuis le plinte partis en quatre, dōt fault donner vn au murezille hault, dessus lequel se assiet la colonne. Et ce qui reste entre le murezille, & le plinte, se doit partir en deux, & de l'une des moitez formons le murezille, qui se met sur le plinte, & de l'autre le trochile, avec ses filetz, lesquels filetz tiennent deux septiesmes parties de ladicte moitié, & ont de large vne septiesme partie.


¶ Itē le murezille hault ha de saillie depuis la colōne, autāt cōme il est de large, & d'auātage encore vne huitiesme partie. Le murezille bas est esgal au bas du plinte, & ne sort pas plus que lesdictz costés du plinte. Chascune desquelles costes doit auoir autant de longueur cōme le diametre du plinte de la colonne, & la moitié d'auātage, de sorte que si ledict diametre vault deux, chascun costé du plinte vaudra trois: & si ledict diametre ha quatre, lesdictz costés du plinte auront six, selon ce qui est en ceste figure, en laquelle 12 est vne fois & demie autant grand que 34.




Il conuient en apres noter qu'en toutes formations des bases, la caeure des trochiles ne soit de telle sorte cauee, que le plinte de la colonne trouue ladicte caeure deffoubz elle. Car il y a reigles generalles donnees par les antiques, que de toutes pieces qui s'assient l'une sur l'autre, la superieure doibt tousiours porter sur le solide, ou massif.

Sen suit la forme de la base Ionique.

**L**A base Ionique se cōpose d'un plinte, d'un murexille, de deux trochiles, & de deux armilles. Prinse doncques la haulteur de la base: qui se fait, comme dict est, du demi diametre de la colonne: tu donneras la tierce partie pour la haulteur du plinte: & ce qui reste, est esgal a la tierce partie du diametre du plant. Lequel reste tu doibs diuiser par sept parties esgales, & de trois ce sera le murexille hault. Puis les quatre, qui restent, se doibuent chascune diuiser en quatre. ainsi seront seize, dont seront prins deux pour les deux armilles, & sept pour chascune des deux trochiles avec leurs filetz:



A scauoir cinq pour le trochile, & deux pour le filet, qui est quatorze pour iceulx trochiles & filetz. Cy fault considerer, que le trochile bas semble estre plus grand, que le hault, pour l'exemption qu'il ba sur le plinte, neantmoins il ba



ba esgalité. En ceste maniere de base le costé du plite tiēt vne fois le diametre de la colōne, & trois huitiesmes dudict diametre, de sorte, que si le diametre est diuisé en huit, le plite aura pour sa coste vnze de sdictes diuisions. La saillie dudict plite est hors de la colonne d'vne diuision & demie, de celles qui sont huit au diametre de la colōne, qui sont trois vingtdeuxiesmes du costé du plite : le murezille tient de saillie la moitié, & huitiesme de sa grosseur, qui est la mesme raison que auons dicté.

Autre formatiō de base Ionique, laquelle met Leon Baptis te en son liure d'architecture, ou il dict, que la base Ionique se cōpose d'vn plite, de deux murezilles, de deux trochiles, & deux armilles mises en ceste maniere: Partez la haulteur de la base en quatre parties, desquelles donnez vne a la grosseur du plite, & vnze a chascune coste d'icelluy. Apres le plite formé, partez ce qui reste par sept parties esgales, desquelles dōnez deux a la grosseur du murezille, qui viēt sur le plite. Puis quād lesdictz plintes & murezilles seront créés, partez ce qui reste en trois parties esgales, & de l'vne formez le murezille hault : & des deux parties qui restent


entre ces deux murezilles, faittes en quatorze diuisions, desquelles donnez a chascun trochile cinq avec ses filetz : & des quatre qui restent faittes les deux armilles, qui sont entre les deux trochiles.

PICARD. Je tiens

ceste facon icy meilleure, que la remiere: combien que l'v-


d ij.

ne &




ne & l'autre sont de grād fascherie pour les diuisiōs, & subdiuisiōs, qui sont en icelles. & me sēble que les antiques deuoiet mettre vn certain nōbre, duquel on eust particulieremēt prins les diuisiōs pour les mēbres qu'on eust voulu faire. En quoy faisant ilz nous eussēt releuē de grād labeur. **TAMPESO.** Ne pēse point, qu'ils ayēt cela fait pour trauailler les gens, ains pour ornemens, & regularite. Neātmois c'est chose prouuee, qu'en diuisant la haulteur auāt dictē en seize, ou n'ha point besoing d'autres nōbres: car en prenant le plinte de la raison auant dictē, partez la reste par seize, il en fault quatre au murezille du plinte, & trois pour le murezille du hault. Au surplus le trochile bas en aura trois & demi, & le trochile hault trois & demi, ainsi restera deux seulement, qui se donneront aux armilles. Et soit sceu, que quand le plinte se fait de la quarte partie de la base, chascune de ses costes doit auoir cinquante huiēt parties de largeur. Et quand il est de la tierce part, ils doibuent auoir soixante huiēt parties. & quelque fois il se trouue des bases, dont le plinte se forme de la quarte partie.

On trouue d'autres bases modernes, esquelles le murezille du plinte ha mieulx figure d'eschine, que de bozel. En quoy ont voulu donner a entēdre les inuenteurs, que pour la grande charge qu'il ha, il s'est aplaty. Ou parauēture l'ont fait, affin que la base eust



plus gratieuses elegances, comme se monstre en ceste figure la lettre A.

Comme se doit mesurer, & faire la base Tuscanne.





A forme de la base Tusca-  
ne est moult differente aux  
dessusdictes, a cause qu'elle  
est moult deuestue, & pauure de mure-  
zilles, sur lequel viét vn filet, & vne  
nacelle, cōme il appert en ceste figure.

La haulteur de la base se prêt de la  
moitié de la grosseur de la colōne, ainsi  
cōme les deuãtdictes. mais la grosseur  
du plinte, a la moitié de la haulteur de la base. Et son diametre est  
plus grãd de la moitié, que le diametre de la colonne. Ce qui reste  
depuis le plinte, se partit en deux: l'vne des moitez est pour le  
murezille, qui vient sur le plinte: & de l'autre moitié se  
fait vn filet & vne nacelle, cōme enseigne la paincture.

Autres formations de bases.





Encore se peuuēt trasser autres bases moult dif-  
ferentes, lesquelles n'ot esté escriptes par les an-  
ciens, & neãtmoins n'en sont a mespriser, ainsi  
qu'est celle que ie figure icy, qu'õ trouue au portail de S.  
Pierre a Rome. PICARD. Declares d'ocques cōmēt elle



se compose, affin que  
si elle plaiſt, on en  
puisse faire de sembla-  
bles. TAMPESO.

Sa formation se peut  
prendre des mesures  
que i'ay dictes, & se  
fait d'vn plinte, &  
de trois murezilles, de

BASSE TVSCAN



*Giorda f. 42-*



d iii. quatre

quatre armilles, & vn trochile. Toute la base doit estre aussi haulte comme est la grosseur de la colonne. Le plinte ha de grosseur sa quarte partie. Apres que le plinte est produit, il conuient diuiser ce qui reste, en seize portions esgalles: desquelles le murezille premier en ha quatre pour sa grosseur, puis sont deux & demie pour les trois armilles, estans sur ledict murezille d'embas. En apres trois & demie au trochile, & au filet, qui luy est prochain. Puis dessus ledict trochile se met vne armille, qui tient vne partie de la grosseur. En oultre le murezille dessus ceste armille aura trois parties: & l'autre murezille, qui se met encores dessus, doit auoir deux portions. Quant aux costez du plinte, chascun doit auoir soixante parties: qui est autant que luy donner vn diametre, & deux plants de sa colonne. Le demourant ie le remets aux reigles cy dessus exposees.




¶ Tous les membres, & mostures des bases deuantdictes se peuuent ouurer de feuillages, coquilles, fenestres, escailles, neuds de cordelier, patenostres, verges, & moult d'autres ouurages a la volonte des discretz maistres, en employant en chascune mosture la plus conuenante inuention, de sorte que la facon d'icelle mosture ne s'en difforme. Et debuez entedre qu'il n'y a art ou se puisset mieulx employer les nouueautez de nature, & fantasies nuisans aux hommes, qu'en cestuy art qu'on appelle Romain, auquel tous maistres doivent obseruer deue distribution & parcite des choses en labourant en cecy.

¶ Comment se doivent former, & mesurer les contrebases.

**L**reste maintenāt de dire la formation d'vne autre piece, qu'ō appelle cōtrebase, ou pedestal. son office est de esleuer les balustres, ou les colonnes, qui se mettent deuant les portaulx, arcs triūphans, & accroissemēs d'auctoritē en l'edifice. Ceste piece pour la plus grād part se faitt quarree, & requiert tousiours estre plus haulte que large. elle n'est iamais moindre, que la grādeur & quarrure du plinte de la base, q sur elle est assis, de quoy la cornixe haulte, & la moslure est moult bien acomplie. Et pource que telle piece ha grāde similitude aux autres ou lon faisoit iadis les sacrifices, elle a esté nōmee arula par les architecteurs, qui vault a dire en Francoys cōme petit autel, ou autelet. Plusieurs autheurs luy conuiennēt, & n'est point de reigle obligeant a mesure determinee pour icelle. mais d'autāt que la cornixe ha de haulteur, doit prendre la septiesme partie de toute la haulteur, & le semblable a la moslure basse: & pour le bien faire, partez ceste haulteur en sept portions esgalles, & donnez vne a la partie haulte pour la cornixe, & vne autre a la moslure basse: & les cinq qui restēt, donnez au plain, auquel se insculpent & mettent mitailles, escus, tiltres, histoires, & autres oeuvres telles qu'il plaist au maistre d'y bouter. Et doit chascun desdictz plains estre garni de sa moslure tout a l'entour, comme d'vne doulcine, ou d'un rond entre deux quarrez, & reualler vn champ, si autres labeurs n'y voulez mettre, comme en ceste figure.

¶ Si se doit tousiours garder, que la formation d'icelle sousbase ne soit point plus deliee, q le quarrē du plinte, qui est faitt selon la base de la colonne: car si elle estoit moindre, on trouue-



roit le plinte porter a faulx, qui seroit grande imperfection & reprehension pour l'ouurier. Et fault considerer que ceste grosseur s'entend sans la saillie de la cornixe, laquelle doibt autant sortir hors comme elle ha de haulteur. Pource quand tu veulx faire contrebase ronde, tu doibs garder en sa formation toutes les conditions, & circonstances, qu'as obserué en la quarree.

**¶** De l'invention des chapiteaux, & comment ilz se doibuent former.



Antiquement la colonne & le chapiteau se faisoient d'une piece, & le chapiteau estoit d'une portion de la haulteur de la colonne, & ne se faisoient point si accomplis ne parfaictz que de present, selon qu'on y a pourueu petit a petit. Les premiers qui feirent chapiteaux sur les colonnes, furent les Dorés, ou Doriens: & estoient lors leurs chapiteaux faitz comme vn vaisseau rond en facon de plateau, ou escuelle de balance, couuert d'un tranchoer quarré a la facon d'un plinte, lequel tenoit tant de largeur, qu'il estoit requis pour couvrir les jointures des arbitraues.

**¶** Generally tous chapiteaux doibuent avoir de haulteur que le demi diametre de la colonne, excepté le chapiteau qui s'appelle Corinthe, lequel doibt avoir autāt cōme toute la grosseur de la colōne, selon qu'il sera cy apres declaré. Ainsi tu ne doibs faire aucun chapiteau qu'il ne soit esgal a sa base, fors le chapiteau Corinthe. Les Doriens ayans vsé dudit chapiteau, diuiserent sa haulteur en trois parties esgales, & de l'une faisoient le tailloer, ou tranchoer, ou plinte: de la seconde, le vaisseau: & de la troisieme, le cul, ou est assis ledict vaisseau, lequel ils ne faisoient plus gros, ne plus petit que la gorge de la colōne. Or appelle ie icy  
la gor-

la gorge, le plus delié, & restressi de la dicté colonne. Et fault obseruer, qu'il ne se trouue plus gros, ne plus petit sur le siege de la dicté colonne: car ce seroit iniure a l'edifice, & au maistre. Doncques declarons, que toutes les assiettes des chapiteaux ne doibuent estre plus grosses, ne plus petites, que la gorge de leur colonne. Ils faisoient aussi chascun costé du tailloer plus grand, que le diametre de la colonne, d'une douziésme partie. Puis formoient en la cauerne dudit tailloer vne cymaise, assauoir, vne petite gueulle, ou talon tenant deux cinqiesmes parties de la grosseur dudit tailloer: le ventre du vaisseau estoit de figure oualle, & le cul d'iceluy estoit de oeuf, ou de fenestres pour aornement. La facon d'iceluy chapiteau, n'est autre chose, a y bien aduiser, sinon les moslures prinsees en la cornixe: car la corone se demonstre par le tailloer: & l'eschine par le vase, ou par le cul dudit vaisseau, comme il se veoit en ceste figure.



¶ Cy apreste declarerös, que c'est d'une faxe en traittant de l'architraue. PICARD. Ce n'est pas seulement des moslures du chapiteau, ains toutes autres formes vasoires: comme balustres, candelabres, & autres facons d'aornemens ne sont autres, sinon moslures de la cornixe. & selon que i'ay apperceu, les figures cy deuant enseignees, sont gueulles, nateles, eschines, & tous autres genres de moslures.


¶ Autre

¶ Autre genre de chapiteau dict Ionique,

**D**E puis que les Ioniens eurent veu la maniere du chapiteau Dorique, ilz redarguerent la facon en ce, que le cul du vaisseau cauſoit diſproportion a la colonne. Aſſez eurent ils a gré le taillouer, & le vaisseau, & pource en firent ils aornement en leurs chapiteaux, lequel ils faignoiet eſtre couuert d'une groſſe ceincture autant longue que les deux coings, laquelle s'enrouloit d'une part & d'autre de ſoymesmes, comme peaulx de parchemin: leſquelz rouleaux ſignifioient les chaperons des femmes, ainſi comme nous auons ia dict, que les ſtries ſignifioient les pliz de leurs cottes, ou corſetz. Et pour traſſer telz rouleaux, pour la forme de leurs chapiteaux, conuient faire en la maniere ſuyuant: premier, diuiſer le demi diametre de la colonne en dix-neuf portions eſgales: apres, faire vne ligne droicte commençant a la main dextre iuſques a la ſeſtre, grande comme ledict diametre, a laquelle conuient adiouſter vne dixhuitiesme partie: & telle ligne ſera la largeur du taillouer, qui eſt plus large que eſpes. Puis du coing ſeſtre prendras orthogonellement, c'eſt a dire, quarremēt deux paralleles, qu'on appelle lignes equidiſtantes: comme ſont chaſcunes d'icelles eſtans eſgales a celles de la gorge, & en autant partir de parties l'une, que l'autre, aſſauoir, des trois portions auant dictes.

¶ Item en l'autre coing dextre prendras autre deux par la meſme maniere.

¶ Lignes ſont appellees paralleles, quand elles ſont eſgallement diſtās l'une de l'autre, ſoit qu'il en y ayt deux, trois, ou pluſieurs. Les autres, qui trauerſent a l'eſcarré perpendiculairement, s'appellent axes, ou aiſſilz, pour ce que ſur icelles s'entortillent les rouleaux de la corroye. Diuiſez apres chaſcune de ces lignes pèdés, ou aiſſilz



aiffilz en dixneuf portions, telles que les portions dont est diuisé le diametre de la colonue. Desquelles parties fault donner trois a la grosseur du taillioer, quatre a la grosseur de la ceinture, & six aux vaisseaux: & les autres six qui restent, serôt pour les rouleaux de la ceinture, qui se mettent en tortil. Lesquelz rou-


*et est del'Albat-*

leaux ainsi diuisez, formez l'aiffilz C B en dixneuf parties. Puis mettez le pied du compas sur la neufiesme partie, cōme est A, & sur icelle faictes vn petit cercle, dont le diametre sera de deux diuisiōs, cōme D E, & tel cercle s'appelle la boche des rouleaux. Et ces deux pointz D E, sont les deux cētres, sur lesquelz se faict toute l'enroulure de la corroye: & est D le centre hault: & E est le centre bas. Ce faict, mettez le compas sur D, & ouurez l'autre pied, tāt qu'il touche au point C: & ainsi faictes vne ligne courbe iusques cōtre l'aiffilz en bas a la lettre F. Ce faict, mets ton compas sur E, & serre l'autre pied iusques a la lettre F. Puis fais vne ligne courbe de l'autre part iusques a la lettre G, qui est distant de C, par quatre diuisions. En apres mets ton compas sur D, & serre l'autre pied iusques contre G. Puis escriis vn cercle en ensuiuant ton enroulure iusques a la lettre H, qui est distant de F, par quatre diuisions. Finablement remets ledict compas sur E, & serre l'autre pied au point H, & fais vne ligne courbe pour acheuer a l'enroulure. Laquelle faicte, tu peulx facilement faire l'autre.

**¶** Et notez qu'en formant ledict limaçon, le compas faict quatre saultz: le premier de huit pointz, le second de six, le tiers de quatre, & le dernier de deux. La profondeur du taillioer con-

tient:

tient toute la grosseur du diametre de la colonne, & vne dixneuf  
iesme partie & demie d'auantage. Ainsi a bien diuiser, se trouue  
ra, que ledict tailloer est plus large que profond d'vne dixhuities  
me partie: & l'assiette de ce chapiteau est dessoubz la moslure de



la colô-  
ne. Et  
pource  
qu'ô ne  
pourroit  
assoir  
les tours  
de la  
ceincture, q sont en maniere de limacô dessus la colône, il est neces  
saire de quitter en la colône la ptie du siege, q se y cache, & ouvrir  
les tours du chapiteau iusques a descourrir le rond de l'assiette du  
vaisseau, lequel ne doibt estre plus gros, que la gorge de la colône.



Les membres du chapiteau se ou-  
urent de maintes manieres. premier  
en la largeur de la ceincture se for-  
me vn canal, qui est vne escote avec  
ses filetz. de rechef en l'espaisseur  
du tailloer y a vne petite moslure  
de cymaise, qui porte la moitié de la  
grosseur, & de saillie deux portions.  
PICARD. Je m'esmerueille, com-  
me tu donne a la moslure de ce tail-  
loer tant de saillie, veu que as cy des-  
uât dict, que toute moslure doibt au-  
tant auoir de saillie, que de haul-  
teur.

teur. Ce qui ne se fait pas selon ceste reigle, car tu ordonnes deux diuisions de faillieau tailloer, combien que c'est ia trop d'une & demie. TAMPESO. On luy dōne cest auātage, affin qu'elle ne soit bouschee par l'auancement de la ceincture. Ainsi ie te di, que bien iuste estoit la cause de ton esbaissement. La grande diligence des antiques adiousta vne dixhuitiesme partie a la largeur du tailloer, quand le chapiteau est faict pour la colonne, qui ne passe de quinze piedz: quand elle est plus haulte, ilz la creurent d'une neufiesme partie: & a la veue, qui va croissant la grosseur du tailloer, va aussi augmentant sa moslure, comme vont montant hault les colonnes, gardans chascune chose sa deue proportion.


**C**D'un autre gēre de chapiteau nōmé Corinthe.

**L**E chapiteau Corinthe est moult dissemblable a ceulx, que auons designez. Car les haulteurs d'iceulx sont de demi diametre de la colonne, & le chapiteau Corinthe est d'un diametre entier. Les costez des tailloers sont droitz, & haults, & ceulx du Corinthe sont courbes, & arcuiellez. Le vaisseau des autres est comme vne balance, & celluy du chapiteau Corinthe est comme vne seille a puiser l'eau. & fut inuenté cedit chapiteau par un architecteur bien renommé, qui s'appelloit Callimachus, qui print l'occasion sur l'acte d'une nourrice. C'est assauoir, qu'il y eut en la cité de Corinthe, vne noble fille, qui mourut assez ieune, & fut enterree aux champs par ses parēs, selon la coustume des gentils. Or auoit elle vne nourrice, qui l'auoit nourrie de lait, & de doctrine, si que en luy dōnant instruction de bonnes mœurs, elle la trouuoit estre de courage moult docile, & l'aymoit de telle affection, que sa mort aduenue, elle tōba en extreme tristesse, & regret  
toit

toit moult sa mort: mesmement quand elle trouuoit par la maison  
potz, seilles, ou autres vaisselles, que ladicte fille traittoit au ser-  
uice d'elle. Parquoy voyant que cela luy estoit renouvellement  
de douleurs, elle amassa lesdictes vtensiles, & les lia en vne mas-  
se, qu'elle mist dessus la sepulture de ladicte fille: & pour les pre-  
seruer de dommage de la pluye, les couurit d'un carron de tuille.  
Si se trouua si biē l'aduēture, qu'il y auoit vne racine de lierre des-  
soubz ladicte structure: & ainsi qu'elle pullula, creut, elle enuis-  
ronna, & reuestit lesdictes vtensiles, de toutes pars. & les costez  
qui monterent iusques au carron, s'entrelierent aux cornes d'ice-  
luy. & a cause qu'il ne trouuoit plus a soy prendre pour monter,  
s'enclinerent les branchettes, & feirent des retours & entortille-  
mens de bonne grace, qui d'abondant furent beaucoup ornez par  
les fructaiges, corymbes dudit arbre, qui ressembloient agencemēs  
de roses, & qu'on eust fait cela par industrie deliberee. Lequel  
Callimachus passant par la, contempla moult la composition de  
nature, & se delecta beaucoup en telle nouueauté trouuee. Sur la-  
quelle il dressa inuention de nouueaux chapiteaux, lesquelz des-  
puis il feit avec raisons, comme cy apres orras.

¶ Tout chapiteau Corinthien doit auoir de haulteur autāt que  
le diametre de la colōne: laquelle haulteur du chapiteau se doit  
diuiser en sept parties esgales: dōt l'vne est pour le tailloer, & les  
six autres pour le vaisseau: dequoy l'assiette doit estre esgalle a  
la gorge de la colōne, & la bouche au plinte de ladicte colōne.  
Les feuilles qui s'inculpent a l'entour du vaisseau, commencēt de  
l'assiette du chapiteau. Et les premieres montent d'un tiers, les  
secondes un autre, & les rouleaux occupent l'autre tiers. Lon y  
fait dixhuiēt rouleaux, dont les huit se ioignent de deux en  
deux du bas des coings du trencher, ou tablier, duquel ilz ont  
leurs

leurs retours enrroulez en la fa-  
 con de limacône, qu'on appelle he-  
 liques. Les autres huit sont se-  
 mez par les costez du vaisseau,  
 & sont aussi les mesmes entortille-  
 mës respondäs le vns aux autres,  
 avec estendues attachees artificiel-  
 lement de grand grace. Le tail-  
 loer doit auoir chascun de ses co-  
 stez autant long, que la haul-  
 teur du chapiteau: & oultre en-  
 cores trois septiesmes: ausquelles  
 se mettent les pointes des coings  
 & se retirent les costez iusques de-  
 dens. Le tailloer doit auoir vne  
 quatorziesme partie, & se retire  
 d'vne neufiesme. sa figure est de ce-  
 ste facon. PICARD. Ce chapi-  
 teau me semble elegant, mais ie me  
 trouue confus en ce, que maintenät  
 tu me dis, & pour dire verité ie ne  
 l'entens point. TAMPESO.  
 Pour bien trasser ce tailloer, il con-  
 uient faire vn quarreau, qui ayt  
 pour sa ligne diametre deux fois la  
 haulteur du chapiteau, ainsi com-  
 me la haulteur du chapiteau A B,  
 qui est deux fois en la ligne C D  
 E: & trouueras, que en chascun de  
 ces



ces costez, comme E F, est contenue dix fois la grosseur que doibt auoir le tailloer. Et note, que i appelle diagonale celle ligne, qui trauese vn quarré depuis vn coing iusques a l'autre coing, ainsi qu'il a ia esté dict. Apres ouure le compas autant comme monte la moitié de la grosseur du tailloer, & mets le pied d'iceluy compas dessus l'vne des pointes du quarré, & avec l'autre pied marque deux pointz es deux costez dudict quarré. Et de l'vn a l'autre feras vn petit traitt, qui te monstrera la mesure que doibt auoir la corne d'iceluy tailloer, comme est cy R T: & par la mesme maniere feras les trois autres qui restent. Diuisez encore ledict quarré en quatre quarez esgaulx, en faisant par le milieu des costés d'iceluy deux lignes, qui se croisent, comme sont A I, & K L, au milieu de l'aire asseoir D. puis diuisez chascune desdictes lignes en neuf: & ladicte diuision faite, ouure ton compas de huit diuisions, & mets telle espace hors le quarré dessus le diametre, comme est H M: & alors le point M, sera le lieu du centre, auquel se doibt mettre le compas, pour faire les arcs des costez du tailloer, come est l'arc G N E. Car en mettant l'vn des piedz du compas sur M, & l'autre sur la premiere neufiesme, qui est dedens ledict quarré, lon fera la ligne courbe, seruant pour le dict costé du tailloer. & le semblable est de tous les autres trois arcs qui passent tousiours par les pointz que tu as partis. Et la quelle ouerture du compas est autant grande que l'vn des costez, comme E T. Ledit tailloer doibt auoir en son front sa mesure, qui tiene la tierce partie de la grosseur d'iceluy. Et se font quatre roses es quatre costez, lesquelles ne doiuent excéder la grosseur du tailloer. Il y a d'autres facons de faire lesdictz arcs, qui reuiennent a celle que dessus, assauoir, sans faire aucunes diuisions, qu'on ouure le compas l'espace E F, puis marquer ledict espace depuis

depuis le coing du tailloer iusques a la ligne de M, & ou tombera le pied du compas en ladiete ligne D M, est le centre pour faire ledict cercle. Et selon ceste doctrine tu peuls faire vn mosle, qui seruira pour faire lesdictz costez & arcs, comme iadis feirent les antiques. Sur ceste inuention les archibedeurs, qui ont succede, ont inuenté plusieurs differences par innouation d'ouurage, en adioustant ou distraiant, en facon que l'originele facon ne se trouue plus, & n'en est memoire ny paicture. Et s'en trouue beaucoup en ceste facon que ie di, par les edifices d'Italie: qui est cause qu'on les ba nommez chapiteaux Italiques, & non Corinthiens. Le nombre des diuersitez ne se peult declarer, pour la multitude d'icelles. Neantmoins ie feray icy les portraictz d'aucuns, selon que ie les ay veuz es lieux plus antiques.





En ces chapiteaux qui suivent ne fault pas fort prendre garde a leurs mesures, car ilz n'en tiennent point, & n'ay pas prins peine a les compasser ne dresser selon les reigles qui se doibuent faire, mais seulement ont esté cy painctz, pour monstrer les differences.





**C**Le t'en pourroye bië encores protraire beaucoup d'autres, ainsi  
 que ceulx cy, qui prindrent origine des Corinthes, & desquelz la  
 pluspart des differences consiste es rouleaux des vaisseaux, qui  
 proprement s'appellent corroyes beliques. PICARD. Je m'es-  
 iouys beaucoup en la vision de tes chapiteaux, qui sont moult en-  
 richiz par les protraictz, & chascū desquelz est moult delectable  
 a l'œil: & encores plus sont, quand les mesures y sont gardees, se-  
 lon les reigles cy deuant dictes, que ie trouue tresintelligibles pour  
 la facilité de la parolle. TAMPESO. Puis que tu en as clere  
 apprehension, ie puis bien passer oultre, & commencer a trai-  
 eter des trois pieces, suyuant la summité desdictz chapiteaux: As-  
 sauoir, architraue, frize & cornixe. Lesquelles ont entre elles si  
 grande fraternité, qu'elles ne souffrent separation, ains consi-  
 stent ensemble. Pource conuient qu'elles soyent entendues, & for-  
 mees a diligence, affin que l'elegance suyue ses commencemens.

Et quand nous auons fait description d'icelles, il ne nous semble pas qu'il puisse rester aucune chose, assauoir pour l'ornement des circonstances d'architecture, parquoy nous mettrons fin a noz parolles.

¶ De trois pieces qui se mettent sur les chapiteaux, assauoir architraue, frize, & cornixe.

### TAMPESO.



A premiere pierre ou autre matiere que mettoient les antiques sur les colonnes, ils l'appelloient architraue, comme principal. Les Grecs l'appelloient epistylion, qui vault autant a dire, que surcolone. Cest epistylion, surcolone, ou architraue, se forme de diuerses haulteurs quand il est de pierre, & diuerses largeurs, & espesseurs, selon la diuersité des haulteurs des colonnes. Car elles se font d'autant plus grosses, comme elles sont esleuees en haultes colonnes. Et les reigles qui ont esté faites sur ce, sont celles que met Vitruue au dernier chapitre de son tiers liure, lequel dit ainsi:

¶ Quand la colonne est de douze a quinze piedz de haulteur, l'architraue qui vient dessus icelle, doit auoir de haulteur la moitié du diametre de telle colonne.

¶ Quand la colonne sera de 20 a 25 piedz de hault, diuisez la dicte haulteur en 25 portions, & donnez deux desdictes diuisions a la haulteur de l'architraue: & ainsi des autres longueurs tiendras pareille proportion. Neantmoins pour eiter prolixité, & auoir meilleure declaration d'icelle, ie mettray cy vne table seruant a leur cognoissance en laquelle table les noms qui sont dessous la lettre A, sont les logeurs des colones depuis 15 piedz iusques a 60. Les secondes qui sont dessous B, sont les portions es-

e iij                      quelles

A	B	C
15	13	1
20	13	1
25	25	2
30	12	1
35	23	2
40	11	1
45	12	2
50	10	1
55	19	2
60	9	1

quelles il fault diuiser les largeurs desdictes colonnes. Et au troisieme lieu dessoubz C, sont les haulteurs que doibuent auoir les architraues estans mises sur lesdictes colones. Et pour ce que lesdictes architraues veoiēt de colone a autre, il ne conuient pas que les entrecolumnes soient trop ouuertes. Et a ceste cause les antiques ne donnerent aux entrecolumnes que trois grosseurs de colonnes au plus.

Et aussi les architraues ne seroient pas durables autrement:

car leur grandes distances causeroient ruine, ou les preparemens a rompures, si elles estoient chargees, comme il se veoit en plusieurs edifices antiques, signāment a saint Pierre a Rome. Si te vueil aduertir, que i' appelle entrecolonne, la distance qui est d'une colone a l'autre. En oultre saches que l'espeſſeur basse de l'architraue doit tousiours estre esgalle a la gorge de sa colone, & l'espeſſeur pareille au plant de ladicte colone. Plus note, qu'en la face desdictes architraues il se forme vne petite moslure, qui occupe la septiesme partie de la haulteur qu'ha l'architraue: & ce qui reste



depuis celle moslure, se diuise en douze parties esgalles, desquelles se font trois faces, dont la premiere qui est la plus basse contient trois diuisions,

sions, la seconde en tient quatre, & la tierce cinq: & fault que la tierce saille sur la secõde, & la secõde sur la premiere, cõme il appert icy en figure. Desquelles se repete l'excessiueté, c'est a dire, ce qui passe la face dessus, sur celle qui est dessous. En apres fault aduiser en asseant toute architraue, que sa face basse responde a plomb a la gorge de la colonne: & par ce moyen il n'y aura aucune partie de ladicte architraue, qui saille hors de leurs chapiteaux, ny de leurs colõnes. Aussi quãd il se feroit autrement, telle besongne seroit menteuse, & hors de reigle, & art. Les architraues Doriques sont formees par les mesmes mesures que les Ioniques, fors qu'elles sont toutes rasees, & sans aucune face. Mais il semble a te veoir besser la teste, que tu t'endormes me oyant parler. Si tu as sommeil, dis le, affin que ie ne traueille plus a te sermonner. P I C A R D. Il ne dort pas, qui escoute. j'ay bien oy ce que tu m'as dict, & aussi l'ay bien entendu. Et ce que ie suis pensant maintenant, c'est que ie songe aux architraues du temple de Diana en Ephese, qui deburoient estre moult grandes, puis que les colõnes ont soixãte piedz de haulteur. T A M P E S O. Elles ne scauroient estre sinon grandes, pource que leurs entrecolõnes, selon que escript Vitruue, sont de trois grosseurs de colonnes. Et prestement le peuls scauoir, si tu scais cõpter. P I C A R D. Ha c'est tresbien dict, ie le vay doncques faire, pour te monstrier que j'ay entendu tes enseignemens. T A M P E S O. Fais doncques, & ie escouteray. P I C A R D. Deux choses sont requises pour scauoir la quantité des architraues. premier fault scauoir la quantité de la colonne qui soustient icelle architraue, & l'entrecolõne qui y est. Or est il, que si les colõnes du temple de Diana ont 60 piedz de hault, les plantz ou diametres d'icelles sont quasi sept piedz: pource ie multiplie sept par huit & demy, cinquanz

te neuf & demi: puis les trois grosseurs, que retiennent les entre-  
colonnes, montent vingt & vn pied: auquelz vingt & vn pied  
fault adiouster ce qu'il y a d'un coing de l'architraue a l'autre sur  
les chapiteaux, qui est d'une grosseur de colone de chascune part  
montant autres sept piedz. Ainsi toute la largeur de l'architraue  
contient vingthuit piedz. Et a cause que la haulteur de ladicte  
architraue doit auoir la neufiesme partie du hault de la colone,  
selon qu'il appert par la table des reigles deuant posees, il s'ensuit  
que telle neufiesme partie sont six piedz deux tiers, que doit con-  
tenir en haulteur ladicte architraue. En oultre l'espeisseur d'ehault  
cotient sept piedz, car c'est la longueur, que la colone doit auoir.  
Et pour la partie basse elle ha six piedz, & enuiron vn cinqies-  
me, qui est le diametre de la gorge de la colone. Doncques par les  
reigles dessusdictes, faictes sur les restreissimens des colonnes, la  
colone de 60 piedz a 7 piedz pour le diametre. Si ie diuise en 17  
parties ledict diametre de la colone, qui est longue de 60 piedz,  
ie prens pour la gorge 15 dixseptiesmes, qui ramenees a raison des  
piedz, sont six piedz & trois dixseptiesmes du pied, qui valent  
quasi six piedz & vn cinqiesme du pied: qui me faict dire que  
les architraues du temple de Diana en Ephese ont chascune de lar-  
geur 28 piedz, & de haulteur six piedz deux tiers, & par la par-  
tie basse tiennent d'espeisseur cinq piedz vn cinqiesme, & par la  
partie haulte sept piedz. Voyla ce que i'ay aprins en oyant ta  
discipline. Mais i'ay grand peur que ne soye loing de mon com-  
pte, pource que il ne me semble possible qu'on eust sceu monter si  
grandes pieces sur colonnes tant haultes. T A M P E S O. Tu  
m'as donne moult de plaisir avec la calculation qui est si seure-  
ment faicte, qu'il n'y a que redarguer. Et si m'as aduise d'une con-  
sideration qui est grande, assauoir de la magnitude desdictes ar-  
chi-

chitraues & colonnes. Toutesfois il n'y a pas grand merueille, qui aduisera les anciennes escriptures, disans que pour monter & assseoir lesdictes architraues sur les colonnes, lon fist de grandes montaignes d'arene & sablon, voire de telle haulteur, qu'elles surpassoient la haulteur des colonnes. Puis apres esleuoient manuellement avec grans engins lesdictes architraues, & par ainsi les esleuoient sur leurs colonnes & sieges. Ce faict, ils ostoient petit a petit le sablon, lequel en soy diminuant laissoit poser lesdictes architraues sur leur siege: qui est la maniere par laquelle lon monta si grâdes machines en leurs lieux. Et diët encor que l'architecteur nommé Ctesiphon, qui presidoit audict edifice, y perdit vn oeil, pource que la plus grâde architraue de toutes celles qu'il auoit mis au portail, se destourna de son siege, et ne peult iamais depuis estre restituée, a cause qu'il n'y auoit remede, apres qu'on auoit faict poser lesdictes architraues sur les colonnes. Et certes il fault bien dire qu'elles estoient bië pesantes, car a compter vn quintal pour pied quarré en pierre, trouueras que chascune desdictes architraues poise plus de mil trois cës quintaux. Et celles des portaulx encore plus, veu qu'elles estoiet beaucoup plus grâdes. PICARD Puis que ledict temple estoit de telle excellence & haulteur qu'o auoit mis trois cens ans a le construire, comment peult on trouuer maniere d'y mettre le feu? TAMPESO. La matiere du toit & du feste estoit tout de cedre, selon que dit Pline: & en y auoit tant grande quantité, que des qu'elle fut esprise de feu, elle causa consumption & calcination de la pierre & colonnes estans dessous, en sorte que de present il n'y a demeuré marque pour memoire, ny enseigne quelconque de tant noble edifice.

¶ De la seconde piece qui s'appelle frize.


Sur

**S**ur ladicte architraue les anciens cōstituerent vne piece, qu'ils appellerent zophoro, que maintenāt l'on dit frize: en laquelle ils tailloient medalles, fueillages, epigrammes, & autres diuers oeures, dont ils enrichissoient telle piece, & encor se formoit plus espesse que l'architraue d'une quarte partie. a cause que quand elle n'estoit pas ouuree, lon la faisoit plus estroicte que ladicte architraue d'une quarte partie, & luy donnoient la moslure de son front d'une septiesme partie d'espaisseur, selon que ceste figure le monstre.



**L**es architectes antiques differoient de mettre ouurage es frizes Doriques, pource qu'il leur sembloit difficile de garder les conditions, qui appartiennent a leurs distributions de nombre, & proportions. P I C A R D. De quelle facon estoiet ces ouurages, ou tu dis estre si grand travail de mesures? T A M P E S O. Vecy comment les architectes grecz, auant l'inuentio de frizes, couuroient la fente des coppes estans en la piece, qui est entre la cornixe & l'architraue, ou ils mettoient vne tablette deuant coppee au iuste, & en chascune formoient trois tringles, qui descendoient du hault en bas: puis encore en chascune faisoient vne graueure, qu'ils emplissoient de certaine cire mistionnee de couleur, en sorte qu'ils sembloient estre paincture. Et nommoient telles tablettes triglisse, qui vault autant a dire come trespaincte, a cause desdictes trois bendes painctes. Et ce qui estoit entre tringle, & tringle,

tringle, s'appelloit opa: & la tablette qui estoit entre deux triglisses, s'appelloit metopa, ou si tu veuls tablettes: lesquelles tablettes ou metopes doivent estre esgales, & auoir chascune autant de longueur que de largeur.



En icelles se faisoient signets, & vaisseaux de diuerses manieres, & vieilles testes de beufz, & autres choses conuenantes aux ceremonies de leurs sacrifices. Depuis quand les Grecz furent acoustumez a mettre frizes sur les architraues, ils remirent en icelles les triglisses & metopes avec leurs ouurages, comme au premier ils en vsoient. Et taillerent en l'architraue au droit de chascun triglisse vne reiglette, en laquelle pendoïent & colloïent trois gouttes respōdantes au trois bendes ou tringles du triglisse. Ces gouttes avec leurs reiglettes auoient la sixiesme partie de la largeur de l'architraue. Tout le trauail & forme de laquelle frize consiste en cōpassant iceulx triglisses & metopes. Assauoir les metopes quarrees & triglisses, qu'ils ne soient chascun moins large que la tierce partie de la metope: & les deux opa qui font le triglisse entier, ne soiēt plus larges que la moitié de ladiēte metope, & en icelle maniere compassez, & repartis, en facon que les triglisses

gliffes cheoient tousiours sur les colonnes, & non les metopes: car autrement l'ouurier pourroit estre reprins de grand erreur. P I= C A R D. Quelle reigle pourroit lon donner a telles frizes, affin qu'elles ne fussent de si grand trauail? Car ie desire bien a cause de leur antiquité, qu'elles soient raportees en vsage. T A M= P E S O. Pour les scauoir trasser, il fault obseruer ce qui sensuit. signes deux poinçts en la frize au droit des deux colonnes, surquoy est assise l'architraue: & ouure le compas de telle quantité, qu'est la sixiesme partie de la largeur de la frize, non compris sa moslure: & fais le long de ladiçte frize & entre lesdiçtz deux poinçts plusieurs telles espaces pour réplir telle lóueur, c'est assa=

T	16
M	24
T	32
M	40
T	48
M	56
T	64
M	72
T	80
M	88

uoir, ou 16, ou 24, ou 32, ou 40, ou 48, & plus s'il en est besoing, en faisant tousiours augmētation de huit, selō que sont les nōbres escriptz en la table presente. Et si la longueur d'icelle frize ne s'accor doit a telles diuisiōs, de sorte qu'il y eust quelq̄ espace superflue ou courte, prenez ce qu'il s'en fault, & le diuisez a chascune des diuisions ia faiçtes, & en donez a chascune vne portion, en maniere que tout soit esgal, & sās superfluité ou default tu ayes le nom par luy imposé. Ce faiçt, distribuez lesdiçtz nombres des diuisiōs aux trigliffes, & aux metopes. As sauoir au triglisse deux diuisiōs, et a chaf

cune metope six diuisions: & par ce moyen seront les metopes quarrees, & chascun triglisse aura la tierce partie de la metope. Et notez qu'a la premiere partie, & a la derniere, ne sont que

que demies impositions & demi triglisse, auquel tu doibs donner a l'autre partie de dehors vne moitié pour les faire entieres. Les deux triglisses respondent tousiours & sont au plomb a l'endroit des deux colonnes, & ladicte frize cōmence avec demi metope, & finit avec demi metope. Si tu veuls que les triglisses soiēt la moitié de la metope, prends la quarte partie de la largeur de la frize, & marques telle ouuerture de compas depuis l'un des pointz dessus la colonne iusques a l'autre point qui est dessus l'autre colonne. Et prends des nombres telz que tu voudras, le nombre 12, ou 18, ou 24, ou de la en augmentant par six, comme par la table prochainemēt faicte se peut veoir. Puis de telles diuisions donneras quatre a la metope, & a chascun triglisse deux. & adiousteras deux diuisions aux pointz qui sont dessus les colonnes, affin de parfaire les triglisses, & les former entieres selon qu'il est dict. Or cōuient il noter qu'avec les nombres, que i'ay mis es tables faictes cy deuant, y a les lettres T & M, qui signifiet triglisse, & metope. pource aux nōbres, la ou trouuera la lettre T, doibs entēdre qu'au milieu de la frize, doibt estre triglisse, si elle porte ledict nōbre deuant lequel est T. Et si apres le nombre est la lettre M, ce t'est signification que au milieu de la frize ayant tel nombre doibt estre la metope. Cecy se peut assez prouuer par commencer a distribuer

12	T
18	M
24	T
30	M
36	T
42	M
48	T
54	M
60	T
66	M






stribuer les triglisses, & metopes des le milieu de la frize: car en recommenceant au milieu d'icelle, tu trouueras aux extremittez que i'auray dict verité. Il y a eu depuis quelques ouuriers, qui ont mis au lieu du triglisse vn rouleau, duquel la forme est icy paincte. Ceste maniere de rouleau fait pour triglisse se doibt auoir en largeur la moitié de sa haulteur, qui est autant comme moitié de metope.

**C**S'enfuyt la tierce piece, laquelle s'appelle Cornixe.

**L**A tierce partie de nostre entablement est la Cornixe, dont la formatiō est la premiere, que auōs dict. Pour ce que les antiquēs en vsoient a mettre sur les frizes, n'estoient pas cōposees de tant de moslures, ains seulement de trois: assauoir, gueulle, coronne, & dentelles. encores n'y mettoyent ils point aucunes fois de gueulles, mesmement s'il y auoit frontispice dessus, comme cy apres verrons. Lesdictes moslures ont leurs mesures, comme celle de l'architraue en la maniere suiuant: le gradille, dont se font les dentelettes, doibt autant auoir en haulteur, comme est la face au milieu de trois, que auons fait en l'architraue: & doibt auoir autant de saillie dessus la frize. En hault y doibt auoir sa moslure, qui ait la sixiesme partie de sa largeur: & de telles moslures pendent les dētilles, qui doibuent auoir chascune en haulteur deux largeurs, en sorte, qu'elle soit deux fois plus haulte, que large: & les trous vuides, qui sont entre lesdictes dētelures, doibuēt auoir vn tiers moins, que de la largeur desdictz deux. Et pour ce faire, diuisez en cinq parties esgales la haulteur que ha le gradille, nō cōprins sa moslure: & avec le compas ainsi ouuert,


ouuert, fais plusieurs diuisions tout du long dudit gradille, & trasseras les dentilles. C'est assauoir en prenant pour largeur de chascune dent, trois diuisions, & pour lieu vuide, deux diuisions. Et doibuent estre profonds lesdictz lieux vuides iusques a la moslure de la frize.

¶ Ladiete dentelure represente des franges qui sont pendues a ladiete cornixe. Sur lesquelles vient la coronne, qui ne doibt pas estre moins haulte que la dessusdicte face, & tient autat de tour sur les dentilles, desquelles choses il appert en ceste figure presente.




¶ Sa moslure contient autat en hault que porte la sixiesme partie de sa largeur. Et par le dessous est cauee selon que auos dict cy deuant. Dessus ceste moslure vient vne autre moslure qui s'appelle gueulle, laquelle se fait plus grosse que la dessusdicte face, a vne huitiesme partie: & avec ceste moslure est acheue l'entablement qui communement vient sur les chapiteaux. Sur lequel on met en apres pour cloture de tout edifice vn frontispice pointu, qui proprement est nomme par les antiques fastigium, qu'on pourroit en francois appeller summité, chef, ou acheueure.

**¶** Il y a d'autres frontispices, ou clotares d'oeuvres, qui sont ronds, lesquelz toutesfois ne sont tāt approuuez que les poinctus. Pour ce quand tu les voudras former, il fault noter que les moslures qui viennent au droit du tympane, ou taborin, cheent sur les colonnes, & non dehors d'icelles, en quelque facon que ce soit: autrement ta besongne seroit faulse. Et doibuent estre telles moslures semblables a celle de la cornixe, sur laquelle on les assiet. P I- C A R D. Qu'est ce que tympane? T A M P E S O. Tympane est ce que lon dit en francois tabourin, & en arbitraue il est pour le champ, qui est entre les moslures qui sont mises en forme triangulaire ou ague, qui peult estre l'aire du chefrond. Il est de deux manieres de chefrz ronds: aucuns ne montent point plus qu'est la haulteur de tout l'entablement. Et d'autres montent autant comme est la tierce partie de toute l'estendue de la cornixe, comme il appert par ces deux figures.




¶ Et notez, que toutes autres, qui se pourroient trouver desrogans aux mesures dessus narrees, ne sôt point d'approuuer, ny de celles que les antiques trouuerent iadis.

¶ Les frontispices pointtues sont mesurees par autre maniere. Parquoy debuez scauoir, que toute cornixe, qui est dessoubz tel frontispice pointtu, n'ha point de gueulle en sa moslure, selon que l'auons ia dict: & fut commandee en omission par les antiques, affin que les ouurages & facon dudiect frontispice se monstrassent mieulx. Si voulurent asseoir le tympane, ou tabourin dessus la coronne, a l'entour duquel ils faisoient les moslures, qui sont contenues en la dicte cornixe: & puis au dessus asseoiēt la gueulle, comme moslure, qui est sur toutes souueraine. Et soit noté, que aucunes desdictes moslures, qui viennent sur le tympane, ou tabourin, ne doivent sortir hors de la coronne, si ce n'est ladicte gueulle, ou moslure, qui sert de couuerture estant la derniere & supreme en l'ouurage. Laquelle en son milieu du tympane tombe d'une part, ou d'autre, hors la coronne. Et au temps, qu'ils la mirent, & trasserent, ils la feirent ainsi saillir hors de la moslure basse, comme il se veoit en ceste figure.



¶ En oultre gardez, que la haulteur du tympane n'ait plus de la neufiesme partie de la largeur de toute la coronne. Et a este la mesure, que les anciens ordōnerent garder aux frontispices: & dessus ceste haulteur s'arreste, & adiouste la mesme mesure, que la cornixe d'embas porte, & encore d'auātage la gueulle, cōme dessus  
f. j. auons

auons dict. Neantmoins les modernes luy donnent autre mesure.  
 Car autant cōme sont haults l'architraue, frize, & cornixe tout  
 ensēble, autāt doibt estre donē de haulteur au frōtispice, q se col-



loque des-  
 sus. iasoit  
 queceste me-  
 sure ne soit  
 de vbraie per-  
 fection .car  
 en pcedāt  
 ainsi il y au-  
 roit erreur,  
 pource que  
 on feroit le  
 frontispice  
 plus agu q'l  
 n'est requis.  
 Ce qui se  
 doit garder  
 en l'assiette  
 de tout frō-  
 tispice, est,  
 que le chāp  
 ou aire du  
 tympane re-  
 meine a  
 plōb la pres-  
 miere face  
 de


de l'architraue: & les moflurés qui font dessus, respondent chascune a la ligne a la moflure de la cornixe. Au dessus dudit frontispice s'assient communemēt trois piedz d'estalz de peanes pour trois statues, ou candelabres, qui se mettent pour derriere ramate, & l'appellent les Grecz acroteria, qui est a dire comme souveraines haulteurs. Lesquelles trois peanes ou contrebases s'assient, assavoir, deux sur les deux colonnes qui viennent au coing, & l'autre sur la pointe du frontispice, lequel doit estre plus grand que les deux autres d'une huitiesme partie, & collaterables doibuent monter autant cōme celle qui est a la pointe dudit frontispice, & doibuent porter dessus les colonnes, & accorder a icelles au plomb, c'est a dire perpendiculairement & ligne droite. Ce que ainsi doit estre celle du milieu, assavoir estre au plomb, avec le milieu du tympane. Le quarré d'icelles contrebases ne doit point excéder la grosseur de la gorge de la colonne. & sur tout doibs mettre diligence que la pointe du frontispice chee iuste au milieu de l'architraue. Autrement te fay assavoir, que vne seule piece mal assise ou mal formee, suffit pour difformer & gaster la bōne ordonnance d'un edifice, quelque bien acheuee qu'elle sache estre au demeurant: surquoy auant que tu t'en ailles, ie te vueil introduire en quelques enseignemens, qui te serviront de bonne doctrine, si peult estre que tu te trouueras entre gens notables, ou que tu ayes quelque besongne a conduire, pour asseoir aux portaulx, & en leurs pieces.

¶ Le premier & principal document est, que les architraues, frizes, cornixe, & frontispice soient formees, & aussi assises en telle maniere que leurs plants & champs tombent inclinez deuant, & qu'ils ne cheent point a plomb. Car s'ils sont mis droictz tombans a plomb, ils se monstrent des le bas comme estans incli-

nez par derriere, & semblera qu'ils soiēt appuyez en arriere, qui  
causeroit grande difformité aux edifices.

¶ Et est la raison, que les antiques assignerēt pour faire asseoir  
obliquement des dictes pieces. Car ils dient, que les lignes vi-  
suales, qui semble de l'œil, comprenās quelcunes des dictes pieces,  
ne sont pas esgal-

les. Et a la verité  
la ligne qui tombe  
sur la piece qui est  
colloquee en hault,  
est trop plus gran-  
de, que celle qui tō  
be es parties plus  
prochaines del'œil:  
qui cause la repre-  
sentation oblique  
en l'organe visual.  
Et par ainsi quād  
le front, ou plaine  
d'une piece saūce  
contre l'œil, les li-  
gnes visuales en  
sōt plus racourcies  
Et en redēt la visio  
plus esgalle en iu-  
gemēt, que si elles  
estoiēt droittemēt  
cōstituees. La raisō  
de faire incliner les




dictes


dictes pieces, fut ordonné par lesdictz anciens estre de la dou-  
 ziesme partie de la haulteur qu'elle retient, comme de la haulteur  
 de A. B. P I C A R D. Vrayement ie suis fort ioyeux de ces me-  
 sures que tu m'as cy deuant declarees, & ne t'en pourroye bonne-  
 ment recompenser, car tu m'as gardé de faire vn grand chemin  
 que i'auoye entrepris de faire, pour cause du vouloir que i'auoye  
 de scauoir de ces mesures Italiques, lesquelles sont incognues en  
 ces pays d'Espagne, & de France. Aussi i'auoye entrepris de  
 faire le voyage iusques aux Itales, puis que ce sont les premiers  
 inuenteurs desdictes mesures d'antiques: car comme tu scais, elles  
 nous sont fort duysantes, & ne nous en pouons bonnement pas-  
 ser. car quand il nous fault paindre image, si sommes nous con-  
 trains de la loger dedens vne maçonnerie, ou autrement l'image  
 seroit a descouuert. Et pource doncques si ladicte maçonnerie n'ha  
 sa mesure raisonnable de leurs premieres inuentions, & aussi si  
 l'image qui est dedens la maçonnerie n'ha proportion naturelle,  
 c'est grand deshonneur a l'ouurier, & est digne de reprehension.  
 mais puis que tu les m'as donné a entendre, ie leur pourray  
 donner leur mesure telle qui leur appartient, a iuger sur ce que tu  
 me les as cy deuât pourtraict. Mais ie ne suis poit assouuy de ces  
 mesures, si ie ne les voy avecques leurs ornemens telz qu'il leur  
 appartient. C'est assauoir leur difference des mesures de l'vne a  
 l'autre, & aussi de leur cornixe, frize, & arbitraue: car tu ne les  
 m'as point cy deuant declarez, sinon de la Dorique. TAMPE-  
 S O. Vrayement ie cognoy que ta raison n'est pas mauuaise: car  
 depuis qu'on les ha veues en besongne, c'est tant qu'on peut faire  
 que de les bien comprendre. car quand on les veult former, &  
 qu'on n'ha point leu les liures des inuenteurs qui les ont laisséz  
 par escript, il n'est possible d'ordonner lesdictes colonnes avec

leurs ornemens telz qu'il leur appartient, qu'on ne mesle de l'un  
auecques l'autre, cōme la cornixe du Dorique, frize, & architra-  
ue, la prendre pour Ionique, & ainsi semblablement des autres.  
mais ie cōtenteray tō vouloir a ceste fois, car ie te les vray mettre  
par figure, & par ainsi les pourras tu bien cōprendre. PICARD.  
Puis qu'il te plaist prendre tant de peine pour moy, & que ie co-  
gnoy qu'il ne t'ennuye point, il fault a ceste fois que ie te declare  
ce que i'ay sur le cueur, lequel me contrainct de te prier que tu y  
mettes les assiettes des colōnes que nous appellons pied destal, car  
tu m'as deuant donnē a entendre qu'ils ne sont point obligez a  
mesure, sinon qu'il les fault plus haultes que larges: & aussi te  
demande s'il ne fault qu'une facon de pied destal qui serue, a tou-  
tes colonnes. TAMPESO. Pour l'heure que les colonnes fu-  
rent inuentees, on ne les auoit point assubiecties a mesure: mais les  
ouuriers qui ont ensuiuy les mesures de colonnes, ont tousiours  
perseuerē de leur dōner meilleure grace au contentement de l'oeil,  
& ont donnē a leur pied destal telle proportion, que ie te les vray  
mettre par figure, avec chascun sa colōne, bases, chapiteaux, archi-  
traues, frizes, & cornixe: mais ie me deporteray de leur propor-  
tion, car ie les ay assez donnē a entendre par cy deuant.

**¶** Des mesures de pied destal, qui leur ont esté  
adioustez par les ouuriers pour les  
plus suffisantes, chascun  
selon sa colonne.


**L**E pied destal de la  
 Dorique se doibt tras-  
 ser par le quarré, &  
 fault tirer vne ligne qui trauerse-  
 ra le quarré d'un coing en autre,  
 & s'appelle ceste ligne diagonale:  
 de laquelle fault prendre la lon-  
 gueur & en faire la haulteur du  
 quarré, & se trouuera plus hault  
 que large sans ses moslures: &  
 fault faire la cornixe de dessus de  
 la circonférence du rond & du  
 coing marqué A: apres fault remet-  
 tre la haulteur de ceste cornixe  
 en quarré marqué B: & de sa  
 diagonale en fault former la cor-  
 nixe de dessous, car il fault qu'el  
 le soit plus massiue que celle du  
 dessus, par ainsi le pied destal se-  
 ra de proportion selon la colonne.






**¶** Le pied destal de la Ionique  
 se doit trasser par le demi cercle,  
 avecques le cercle entier mis a leur  
 quarré, & faire ses moslures, com-  
 me de Dorique de la circonferance  
 du cercle, & du coing marqué C,  
 pour former la cornixe du dessus,  
 & la mettre a son quarré, comme  
 celuy marqué D. Dont la diago-  
 nale du quarré servira pour celle  
 du dessoubz, & le pied destal sera  
 de proportion comme sa colonne.

**L** Le pied de stal de Corinthe se  
 doit trasser comme celuy de Io-  
 nique. Mais luy fault donner la  
 moitié du diametre du demi cer-  
 cle d'auantage sur sa haulteur, &  
 tousiours prendre la circunferen-  
 ce du cercle entier, & du coing  
 marqué E, pour former la corni-  
 xe du dessus: & faire comme para-  
 uant, la retrasser en son quarré  
 marqué F, dont la diagonale ser-  
 uira tousiours pour former la cor-  
 nixe d'embas, & sera le pied de  
 stal de proportion selon la colon-  
 ne.






**L** Le pied destal de Tuscanne, se  
 doit trasser par deux quarrez  
 entiers, qui se mettent l'un sur  
 l'autre, & tousiours ensuyure la  
 maniere de former les mostures  
 de la circumference du cercle, &  
 du coing marqué O, pour former  
 la cornixe du dessus par la diago-  
 nale du quarré marqué N, sert  
 pour former celle du dessous. Et  
 par ainsi chascune colonne aura  
 son pied destal de proportion tel-  
 le qu'il leur appartient. P I A  
 C A R D. Mais ie te demande  
 s'il n'y a point de danger, quand  
 on veult former vn edifice, d'y  
 mettre telle quantité de colonnes  
 qu'il plaira a celuy qui fait ba-  
 stir, ou a la fantasie de l'ouurier,  
 qui conduit la besongne.

T A M P E S O. Tu peuls  
 bien penser qu'il leur fault pro-  
 portion raisonnable. Et que si les  
 colonnes ont trop grande charge,  
 oultre leur puissance, qu'elles ne  
 pourroient pas porter, & par  
 espace de temps qu'il n'en vint  
 faulte. Et aussi fault enten-  
 dre

dre que les moyennes colonnes ne pourroient pas porter si pesant faiz que les massiues : comme Corinthe qui est la moindre, luy donner autāt de charge que a la Dorique, ce seroit tort qu'on luy feroit, & n'y auroit point d'ordonnance a tel edifice: mais il leur fault amoindrir leurs charges les vnes apres les autres, en la sorte qu'elles se diminuent, comme tu les verras cy apres declarees, & mises par figure.

¶ Comme les colonnes se doibuent mettre en bastiment.


**D**Remierement l'ordre de Dorique qui est la premiere, se mespartit par la ligne de terre, qui sera de telle longueur que l'edifice qu'on veult former & esleuer. Et fault aduiser la haulteur qu'on veult donner aux colonnes, & luy donner sa grosseur de mesme, selon qu'est par cy deuant dict, avec sa base & son plinte. Et fault mespartir la ligne de terre en autant d'espace qu'il luy pourra entrer de longueur du plinthe de la colonne. Et quand on assiet les colonnes, il fault laisser quatre longueurs de son plinte entre les deux plintes, comme tu les peuls veoir mespartis & mis cy apres par figures.



**C**Les colonnes Ioniques se mespartissent par la ligne de terre,  
 qui sera de la longueur de l'edifice qu'on veult former. Et fault  
 ensuiure la maniere de les former, cōme l'ordre de Dorique: mais  
 il ne fault laisser que trois longueurs du plinte de la colonne  
 Ionique entre les  
 deux plintes: car  
 d'autāt qu'elle n'est  
 pas si massiue, il ne  
 luy fault pas don-  
 ner si grāde espace.  
 Et s'il y cōuient fai-  
 re arcs ou voulttes,  
 sur lesdictes colon-  
 nes, il ne leur fault  
 tousiours donner  
 poict plus d'espace,  
 que aux autres, com-  
 me tu les veois cy  
 mis par figures.



**Pour**



**P**our mespartir la colonne  
 Corinthe, il fault ensuiure la ma-  
 niere de Dorique, & de Ionique,  
 car elle se mespartit, & ne for-  
 me point autrement, sinon que  
 d'autât qu'elle s'amoindrit plus  
 que les deux autres, il ne fault  
 laisser, que deux longueurs du  
 plinte entre les deux plintes de  
 la colonne, comme tu les vois  
 cy mis par figure.

**A**insi se mespartissent les co-  
 lones Tuscanes, cōme celles par  
 cy deuant declarees : & aussi  
 fault esuiure leur mode de leur  
 donner leur grosseur, selon leur  
 baulteur, qu'elles pourroiet por-  
 ter :



ter: & ne fault laisser entre les deux plintes des colonnes qu'une longueur & demye de leur plinte, comme tu veois cy mis par figure.

¶ Si tu veuls faire gros bastiment, qu'il t'y faille mettre les quatre ordres de colonnes, il fault que tu aduises en toy mesmes, que la Dorique est la plus forte, & aussi est elle la plus suffisante pour faire le

fondement des autres colonnes: pource te la fault mettre la premiere: & la Ionique se doibt mettre au second estage, qui est la plus prochaine de la Dorique: & la Corinthe au tiers estage, qui est la prochaine d'apres Ionique: & la Tuscanne est plus haulte, qui sera posee dessus Corinthe, qui fera la fin de l'edifice. & par ainsi seront les colonnes par leurs ordres, comme les anciens les ont ordonnees pour le mieulx. & se doibuent amoindrir les vnes sur les autres, come tu verras cy apres par escript.

¶ Saches plus, qu'en tout edifice, qui ha la colonne sur la colonne, il conuient que les colonnes haultes soient moindres que les basses d'une quarte partie. & adressent les antiques tous sieges de colonnes en la maniere suyuante, pour les plus droictes. C'est assauoir apres que la base estoit assise en son lieu, mettoient un plomb plus hault que la colonne, affin quand le perpendiculaire toberoit, qu'il vint tout droict coper le milieu d'icelle base: & gardoient ce point par quelque baston ou reigle qui arrestoit au milieu, ou la main estoit lors. Puis asseoient leur colonne sur la dicte base, & mettoient de rechef la corde ou pend le plomb au hault.

bault de ladiçte colonne, & au poinçt qui estoit en la reigle premier fichee: & faisoient en sorte que le milieu de ladiçte colonne s'accordoit en la corde perpendiculaire, & par tel moyen dressoient leur colonne de toutes pars, laquelle apres ils affichoient, & confermoient avec plomb fondu en lieu de mortier, comme encore il se fait presentement en plusieurs lieux d'Italie. Encores te conuient il scauoir, que les entrecolumnes qui se mettent aux portaulx, & arcs triumphans, qu'on appelle autrement colonnes seules, doibuent auoir autant de saillie hors la paroy, comme ha le plinte de sa base, qui se doibt asseoir hors de ladiçte paroy d'une quarte partie de sa grosseur, qui est du moins quād y a plus d'une moitié. Et de la est venu que les contrebases, qui soustiennent lesdites colonnes, naissent de ladiçte paroy, pour raison de la table qui fait ses coings alentour du plinte.

¶ A ces colonnes seules respondent du costé de la paroy autres colonnes quarrees, lesquelles se monstrent au plus de la tierce partie, & du moins de la quarte partie. La haulteur de la porte que tu trasseras, doibt estre double en sa largeur. Tu pourras beaucoup veoir de pareilles constructions, que celles qu'auons traitté cy deuant, & mesme es edifices antiques qui sont en Hespaigne. principalement a Meride, ou les Romains ont edifié avec grāde diligēce, & edifices moult merueilleux, qui depuis furent destruits par les Gothz, comme encore il appert.


¶ Toutes les oeuvres que tu formeras en tes pieces, seront fort gracieuses, & conuenantes a icelles: les tours & voultes soient sur leur rotondité, car autrement elles desplairoient a l'oeil. Et ne souffre que pour quelque ouurage que ce soit, lon difforme tes pieces, ains tu doibs garder entierement leurs proportions & mesures, cōme le bon imageur en faisant la drapure de son image, il contre-

garde

garde en grand soing la chair, & le nud. Si te doibs garder d'auoir telle presumption de mesler antiques avec modernes, ne trouuer nouuelleté a trasser les ouurages d'une piece a l'autre, en donnant aux fondemens la moslure qui appartient aux pieces d'enhault. ainsi que fait vn que tu cognois, nommé Moi, lequel ha vne fenestre, ou il ha fait au pausoer les mesmes moslures, que aux iambes & lintes costez. PICARD. C'est chose mal decente. TAMPESO. Et que dirois tu d'un autre, qui soubz vmbre de scauoir, forma en ses bases les rouleaux des chapiteaux? disant que cela luy sembloit beau, & que les antiques l'eussent fait s'ils l'eussent sceu. D'autres y a encores qui mettent es bassemens les coronnes & dentilles de leurs entablemens, lesquelles moslures furent generally ordonnees pour les cornixes haultes. Car les moslures des embassemens, qui se mettent a l'entour des edifices, ne veulent estre estendues, ni de grande haulteur. PICARD. Ie ne scay pas beaucoup desdictz embassemens: pour ce te prie m'en dire quelque chose. TAMPESO. Embasement n'est autre chose que la base & soustiennement de l'edifice, ne plus ne moins que pied de stal est embasement de la colonne. Et pource est que la plus grande partie de ces moslures se prennent de la base de la colonne: les autres se prennent des moslures de la cornixe. Les moslures dont on compose lesdictz embasemens sont generally nacelles, eschines, bozelz, scoties, filets, & languettes. Et est permis au bon maistre leur donner mesure a sa volenté. Combien que aucuns veulent, que la plus grande saillie de moslure soit la quarte partie de la grosseur du mur, & qu'elle monte autant comme est ladicte grosseur en repartissant lesdictes moslures a la volenté du maistre: qui est cause que tu ne veois point tous les embasemens estre d'une facon. P I-



C A A R D. I'entenderay mieulx ton dire, si tu m'en portaietz quelcunes. T A M P E S O. Je t'en mettray cy trois façons, non pas pour te donner estroictes reigles, ains pour cognoistre les differences. Mais garde diligemment que les encaueures qui se font esdictes moslures, principalement es scoties, ne soient plus cauees que la paroy, ou ligne superficielle du mur: & que les champs qui se font entre icelles moslures, respondent a plomb l'un a l'autre. Car autrement lesdictz em-



bassemens seroient faulx. P I C A R D.

Je pense maintenant scauoir tout ce qu'il appartient a la besongne manuelle de l'architecture. T A M P E S O. Vne chose te reste, c'est a la preparation des matieres, mesmement des pierres que les anciens ordonnerent estre tirees pour les edifices deux ans auant que les mettre en oeuvre, pour recevoir geles, & chaleurs, affin qu'elles ayent leur concoction telle que par tel conroy elles trouuent durté qui les



les rendra plus propres a faire ce que lon voudra: & aussi pour auoir manifestation des vices que pourroient auoir telles pierres, lesquelles ne pourroient cacher vne imperfection par si long temps: suiuant laquelle ordonnance tu mettras en oeuvre les pierres, pour auoir plus grande duree. Et au contraire tu veois que souuent les edifices tombent & prennent declination, par estre mal aduertiy sur la preparatiõ auãtdiçte, & par la faulte peult estre d'vne seule pierre. Encore vueil ie que saches qu'il fault faire les fondemens d'un mur si profonds, que toute la terre qui se monstrẽ mouuant soit ostee, laquelle autrement on appelle terremote. Et si le lieu n'est assez solide, ains soit marequaieux & de petite cõfirmatiõ, en sorte qu'õ ne se puisse fier a la soliditẽ du fond de la terre: tu le pourras confirmer & rendre seur, en plantant plusieurs paulx poinçtus de vernes, ou aunes, d'oliuiers, de chesnes, ou autres arbres, qui durent longuement en terre: lesquelz ayent pour le moins de cinq a six piedz de hault. Et pour les emplonger en la terre, les conuendra frapper avec gros maillets qui tomberont entre deux pieces de boys, ainsi que sont les engins faitz pour donner grandes concussions. Et avec tel instrument pourras mettre autãt de paulx ou poinçtes, qu'il te sera de necessitẽ. Les testes desquelz paulx se doibuent entrelasser avec tringles, ainsi que haies ou claires bien fortes: & y conuendra entremesler du charbon bien batu. Ainsi constitueras les premieres pierres, avec cymẽt: & soient tousiours les plus grosses qu'on pourra pour les fondemens, avec la chaux y estant necessaire. Et si le lieu ou tu edifie, est pour faire residence quotidienne: tu mettras dessus le charbon de la laine, bourre, & escorse, pource qu'avec ce s'adioint la chaux & s'endurcit & conferme mieulx, comme il se trouue en moult de fondemens Romains qui estoient faitz par les grãs

ouuriers, affin de garder leurs edifices du tremblement de la terre  
& de la terremote. P I C A R D. I'ay iugement que sur tous  
il conuient que la chaux soit bõne, & cõsequemment le mortier,  
pource la voudroy ie cognoistre. T A M P E S O. Toute chaux  
est bõne qui est faicte de pierre dure, & blãche. La bonne chaux  
doibt peser quand elle est cuicte vn tiers moins qu'elle ne faisoit  
parauãt. La chaux qui se derompt quãd on la tire du four, n'est  
pas si bõne que celle qui se maintient entiere: aussi celle qui sonne  
quãd elle est touchee, ainsi que faict vn pot de terre bien cuict.  
¶ Autre signe de bonté est, quãd on la mouille, elle gette hault  
exhalations, & rend des vapeurs cõtremont, desquelles est arrou-  
see. Ceste chaux est bonne, & seuffre plus de sablon que vne au-  
tre. Encore fault noter que toute chaux se allie & ioingt mieulx  
auec les pierres qui sont de sõ quartier & pierrerie, qu'à celles qui  
luy sont estranges & differentes de natiuité & lignage. Et de la  
vient que toute pierre se allie mieulx auec chaux qui est de sa na-  
tion. Or ne fault il pas auoir moins de soulcý de l'arene & sablon  
qui se mesle auec ladiete chaux. La proportion du mortier, qui  
fut faicte par les antiques estoit, assauoir trois mesures d'arene de  
mer ou de riuiere, & vne de chaux. Et si l'arene estoit cauerniere,  
c'est a dire prinse en cauerne, lon luy en dõnoit quatre: & quand  
ils le vouloient faire fort tenant & de grand compaction, ils ad-  
ioustoient audict mortier la tierce partie de tuille derompue par  
petites fractions. & de tel mortier sont edifiez les bancs & au-  
tres grans edifices antiques de Rome. Et se doibt fort remuer &  
pestrir pour bien mesler lesdictes matieres. Et ne se doibt pas in-  
continent mettre en oeuvre, mais est meilleur le faire par quelques  
iours auant que de l'employer. Il fut iadis faict des loix & sta-  
tuz sur l'art de massonnerie, & estoient tenuz les officiers d'ar-

chitecture a faire du mortier de chaux pour vèdre: & si ne deb-  
 uoiët vèdre chaux qui ne fust faicte de trois ans du mois. Encore  
 auoiët ilz loy, que le maistre architecteur qui prenoit charge d'un  
 edifice, estoit tenu de scauoir calculer & faire declaration aux  
 citoyens ou bourgeois de ce que pouuoit couster entierement la  
 maison ou edifice qu'il vouloit faire, & la matiere qu'il conuenoit  
 auoir, affin qu'on se pourueust des choses necessaires auant que de  
 commencer, & qu'on n'entreprint rien, sinon que la puissance &  
 faculté de l'edificateur pourroit supporter. Sur ce lon prenoit par  
 escript le nom de l'edificateur qui se chargeoit de l'edifice, & es-  
 toient ses biens obligez iusques a la perfection d'iceluy. Et s'il  
 auoit failly a declarer la coustange de l'oeuvre, & qu'on despens-  
 doit plus qu'il n'auoit taxé, il estoit tenu de payer le surplus sur  
 ses biens. si la coustange excedoit la quarte partie de ce qu'il auoit  
 predict, cela se prenoit sur ses biens. & s'il auoit dict exactement  
 la coustange de l'ouurage, il estoit salarié de gloire & de dons  
 que luy faisoit la ville.


**P**ource quand aucun veult edifier, il doibt procurer d'auoir  
 quelque bon maistre, qui l'informe premier du coust & despen-  
 se qu'on fera a la besongne, & aussi des matieres qu'il doibt amasser,  
 affin qu'on face amas de matiere, & que le desir qu'on ha de  
 veoir la perfection de son entreprinse, ne soit point retardé par  
 default. & si fault traouailler pour mettre beaucoup de bons ou-  
 riers, qui en bref temps puissent tost & bien satisfaire a ce que tu  
 as volunté. En quoy faisant tu n'auras pas seulement delecta-  
 tion, mais vn grand honneur & grand soulagement pour toy &  
 ta famille. Et certes avec beaucoup d'ouuriers qui font diligence,  
 l'on accroist tantost vn edifice. Il se lit de Dauid, & Salomon,  
 que quand ils voulurent edifier le temple de Hierusalem, ils ap-

presterent premier grandes sommes d'or & d'argent, & puis de  
metaulx, de pierres, de boys, & autres choses necessaires a edifier,  
de sorte qu'il n'y defailloit rien de ce qui estoit necessaire a telle  
construction.

¶ Apres ils rescriuirent aux roys par messagers qu'ils enuoyas-  
sent les bons maistres & ouriers, qui se trouuoient en leurs roy-  
aumes: ce qui fut fait. Et quand ils furent venuz, ils encom-  
mencerent l'oeuvre, lequel ils parfeirent en huit annees. Autant  
s'en lit d'Alexandre, qui en grand nombre d'ouriers edifia avec  
l'association du roy Thomas vne cité, en l'espace de sept iours.  
Nabuchodonosor pareillement acheua le temple de Belus en quin-  
ze iours, & en autres quinze iours edifia trois murailles a l'en-  
tour de la cité de Babylone. Maints autres edifices ont esté faitz  
en bref temps, a l'ayde de plusieurs ouriers que ie pourroye bien  
dire: mais ie considere que qui beaucoup parle, beaucoup erre.  
Parquoy ie delibere tenir silence, & imposer terme a ma rude pa-  
rolle, affin que mes ineptitudes ne durent plus.

¶ Or puis que tu as attainct l'effect de ton desir, qui estoit de  
scauoir edifier au siecle, requiers a dieu qu'il te doint scauoir edi-  
fier la hault en paradis, ainsi que fait saint Thomas pour le roy  
d'Inde, selon que contient sa legende, affin que nous puissions illec  
pardurablement rendre benediction au souuerain edificateur de  
la machine du monde. Qui vit & regne triumpamment en son  
royaume glorieux, benign, & misericors, par tous les siecles des sie-  
cles. Amen.

La fin.



Faint, illegible text at the top of the page, possibly a header or title.

Several paragraphs of very faint, illegible text in the middle section of the page.

Another block of faint, illegible text located in the lower middle portion of the page.

Faint, illegible text at the bottom of the page, possibly a footer or concluding remarks.

52



**BIBLIOTECA**

